

مارفانہ کلام کا موضوعاتی انتخاب

کلام امیاء محمد ^{رحمۃ اللہ علیہ} بخشہ

مرتب

محمد توصیف

چشمی کتاب خانہ

ارشد مارکیٹ جھنگ بازار فیصل آباد

Mob: 0300 7681230 0300 6674752 Ph: 0412646756

عظیم صوفی شاعر میاں محمد بخش رحمۃ اللہ علیہ کا مشہور زمانہ کلام

کلام میاں محمد بخش

مُرتَّب

محمد توصیف

چشتی کتب خانہ

ارشد مارکیٹ جھنگ بازار فیصل آباد

Mob: 0300 7681230 0300 6674752 Ph: 0412646756

جملہ حقوق بحق ناشر محفوظ ہیں

کلام میاں محمد بخش	نام کتاب
میاں محمد بخش رحمۃ اللہ علیہ	شاعر
صاحبزادہ محمد توصیف حیدر چشتی	مرتب
جولائی 2013ء	پہلی بار
چشتی کمپوزرز 03226232632	کمپوزنگ
محمد اویس آفتاب چشتی سیفی	طابع
محمد حسنین حیدر	ٹائٹل
180/.	ہدیہ

ملنے کے پتے

چشتی لائبریری احمد نگر روڈ وزیر آباد 0300 8712036
 کتب خانہ مقبول عام فیصل آباد، احمد بک کارپوریشن کمیٹی چوک راولپنڈی
 علی برادران جھنگ بازار فیصل آباد، اسلامک بک کارپوریشن کمیٹی چوک راولپنڈی
 ضیاء القرآن پبلی کیشنز لاہور، زاویہ پبلشرز سستا ہوٹل داتا دربار لاہور
 مکتبہ حنفیہ گنج بخش روڈ لاہور، قادری رضوی کتب خانہ گنج بخش روڈ لاہور
 مکتبہ شان اسلام اردو بازار لاہور، کرمانوالہ بک شاپ لاہور، مکتبہ امام احمد رضا لاہور
 محمد عرفان گل بیاسی چک حاصلپور، مکتبہ فکر رضا لاہور، ادارہ پیغام القرآن اردو بازار لاہور
 بگ کارنر جہلم، خزینہ علم و ادب اردو بازار لاہور، مشتاق بگ کارنر لاہور

انتساب

آل رسول، اولادِ بتول تاجدارِ گوڑہ

حضرت پیرسید مہر علی شاہ رحمۃ اللہ علیہ

دے ناں

محمد توصیف حیدر

نذرِ حقیقت

بمختصر

عاشقِ رسول، اولادِ بتول

حضرت بابا بلھے شاہ قادری رحمۃ اللہ علیہ

محمد توصیف حیدر

عارف کھڑی حضرت میاں محمد بخش رحمۃ اللہ علیہ

عارف کامل، شاعر اکمل، عالم باعمل، حضرت میاں محمد بخش رحمۃ اللہ علیہ جنہیں ”عارف کھڑی شریف“ کے لقب سے یاد کیا جاتا ہے پنجابی زبان کے ان شعراء میں شامل ہیں جن کو لیجنڈ اور کلاسیک کا درجہ حاصل ہے۔

حضرت میاں محمد بخش قدس سرہ العزیز کا آفاق کلام دلوں پر براہ راست اثر انداز ہوتا ہے آپ کے مختصر حالات زندگی پیش خدمت ہیں۔

حضرت میاں محمد بخش رحمۃ اللہ علیہ 1246 ہجری بمطابق 1830ء کو کھڑی شریف آزاد کشمیر میں پیدا ہوئے جبکہ آپ کی تاریخ وفات 1907ء ہے آپ نے جذب و مستی اور روحانیت پر 14 کتابیں تحریر کیں جن میں سے ”سیف الملوک“ کو عالمگیر شہرت حاصل ہوئی آج بھی میاں محمد بخش رحمۃ اللہ علیہ کا کلام جو اشعار کی صورت میں ہے بابا بلھے شاہ رحمۃ اللہ علیہ، بابا فرید رحمۃ اللہ علیہ اور دیگر اولیاء کرام کی طرح پوری دنیا میں جہاں جہاں پنجابی بولنے والے لوگ موجود ہیں ان میں عقیدت و احترام کے ساتھ پڑھا جاتا ہے۔ جو پذیرائی حضرت میاں محمد بخش رحمۃ اللہ علیہ کے کلام کو حاصل ہے وہ کم شعراء کے حصے میں آتی ہے۔

حضرت میاں محمد بخش رحمۃ اللہ علیہ کا کلام تصوف و روحانیت کے نکات سے بھی مملو ہے اور بہت سے ایسے اشعار ہیں جو ہمارے معاشرہ میں ضرب المثل کی حیثیت اختیار کر چکے ہیں۔ آپ کا کلام پوری دُنیا میں ذوق و شوق سے پڑھا اور سنا جاتا ہے۔

سلسلہ نسب

حضرت میاں محمد بخش رحمۃ اللہ علیہ خلیفہ دوم حضرت عمر بن خطاب رضی اللہ عنہ کی اولاد سے ہیں آپ کے والد گرامی میاں شمس الدین واقف راز حقیقت شہباز اوج طریقت حضرت پیران پیر پیراں شاہ غازی قلندر المعروف دمڑی والی سرکار کے دربار سجادہ نشین تھے آپ کے والد گرامی حضرت بابا دین محمد رحمۃ اللہ علیہ کو حضرت دمڑی والی سرکار رحمۃ اللہ علیہ نے حقیقی اولاد کی طرح اور روحانیت کے کمالات عطا فرمائے تھے۔

آپ کی ابتدائی زندگی اور بیعت

حضرت میاں محمد بخش رحمۃ اللہ علیہ نے تحصیل علم کے لئے دور دراز مقامات کا سفر کیا اور اس وقت کے مشہور مشائخ سے ملاقات و کسب فیض کیا آپ نے بہت سے مزارات پر حاضری دی اور مراقبہ میں اولیائے کاملین سے ملاقات کی۔ پیر کامل حضرت دمڑی والی سرکار رحمۃ اللہ علیہ نے آپ کو

خواب میں ارشاد فرمایا کہ سائیں غلام محمد کلروڑی میرا روحانی فرزند ہے اس سے ظاہری بیعت کر لو۔ شیخ کامل کے حکم پر شیخ احمد ولی کاشمیری کی خدمت میں حصول فیض کے لئے حاضر ہو گئے۔

آپ سلسلہ عالیہ قادریہ میں بیعت تھے اس لئے محبوب سبحانی، غوث حمدانی، قطب ربانی حضرت عبدالقادر جیلانی رحمۃ اللہ علیہ سے بہت محبت فرماتے تھے آپ غوث پیا کی محبت میں مستغرق تھے۔

حضرت و مڑی والی سرکار رحمۃ اللہ علیہ کے روضہ اقدس پر حاضری معمولات میں شامل تھی اس لئے بعد نماز فجر وظائف سے فراغت یا کر قلندر صاحب رحمۃ اللہ علیہ کے روضہ مبارک میں جا کر جا روپ

دستار سجادگی

حضرت میاں صاحب کے والد گرامی نے ایام علالت میں اطراف سے قرب و جوار کے رؤسا اور علماء وغیرہ کو طلب فرمایا اور مجمع عام میں حاضرین سے خطاب کیا کہ انسان کی زندگی ناپائیدار ہے سفر آخرت درپیش ہے اس لئے مناسب ہے کہ اپنی موجودگی میں آپ لوگوں کے روبرو دستار سجادگی اور منصب خلافت دربار شریف اپنے فرزند محمد بخش کو دے جاؤں میرے خیال میں یہی فرزند ہے جو اس بار گران کا متحمل ہو سکے گا جب آپ یہ کلمات فرما چکے تو ہر طرف سے تائید کی آوازیں آنا شروع ہو گئیں۔

شاعرانہ ذوق

جب کسی محب کی طرف کوئی تحریر کرنی منظور ہوتی تو عموماً منظوم ہی لکھا کرتے تھے۔ فارسی، اردو، پنجابی زبان میں بے تکلف اور جلدی اشعار لکھتے تھے۔ عربی زبان میں بھی آپ کی نظم اور نثر نہایت اعلیٰ پایہ کی ہوتی مگر کم اتفاق ہوتا تھا۔ آپ کے اشعار ترانہ حقیقی کا نغمہ ہیں۔ اہل دل کو ایک ایک مصرعہ پر وجد طاری ہو جاتا ہے ذرا توجہ کی تو بس ایک دریا ہے جو اٹھا چلا آرہا ہے مسلسل سلسلہ نظم شروع ہو جایا کرتا۔ کوئی کیسا ہی تیز نویس ہوتا اور آپ اس کو جب تازہ اشعار زبان مبارک سے بول کر لکھواتے تو وہ ہرگز برابری نہ کر سکتا تھا۔

آپ کے کلام میں روانگی اور صفائی کے علاوہ باریک سے باریک اسرار اور معارف جو اہل کمال صوفیائے کرام صاحبِ حال کے جذبات پر شاہد ہوں، پائے جاتے ہیں۔ ایک ایک لفظ جو دردِ دل سے نکلا ہے، سامعین کے خفتہ دلوں کو بیدار کرتا ہے

دُنیا سے بے رغبتی

آپ تمام تعلقات دُنیاوی کو چھوڑ کر کنارہ کش ہو گئے تھے ان دنوں عجیب ذوق وارفستگی کی حالت تھی، مکلف لباس کی جگہ بدن پر کمبل تھا اور

ساگ سبزی پر گزراوقات تھی۔ آپ نہایت قلیل غذا استعمال کرتے باوجود اس کے رُعب اور جلال چہرہ مبارک سے ٹپکتا تھا کہ بڑے بڑے حکام بھی روبرو آکر مرعوب ہو جایا کرتے تھے، تمام عمر کسی راجہ یا امیر دنیا دار رئیس کی ملاقات کے واسطے ہرگز تشریف نہیں لے گئے، والیان ریاست بھی آپ کے سلام کے واسطے حاضر خدمت ہوتے رہے۔

والی ریاست کا زیارت کیلئے تشریف لانا

چنانچہ مہاراجہ صاحب حال والی ریاست جموں کشمیر بذات خود دربار شرف میں حضرت میاں محمد بخش رحمۃ اللہ علیہ سے سلام کے واسطے حاضر ہوئے اور نذر و نیاز پیش کی۔ ہمیشہ والی ریاست کی طرف سے جو نذر و نیاز آتا، آپ فقراء و مساکین اور مستحقین میں تقسیم فرمادیتے۔

آپ کی تصانیف

آپ کی تصانیف سے متعدد کتابیں مشہور ہیں۔

(۱) قصہ سوہنی مہینوال (۲) تحفہ میراں

(۳) کرامات غوث اعظم (۴) تحفہ رسولیہ معجزات

(۵) قصہ شیخ صنعان (۶) شیریں فرہاد

(۷) نیرنگ (۸) عشق سخی خاص خاں

- (۹) مرزا صاحبان (۱۰) شاہ منصور
 (۱۱) ہدایت المسلمین (۱۲) گلزار فقر
 (۱۳) تذکرہ مقیمی (۱۴) قصہ سیف الملوک و بدیع الجمال

زیارت غوث پاک

آپ کی تمام تصانیف مقبول ہیں جب آپ نے درود اور شوق و وجدان سے حضرت شیخ عبدالقادر جیلانی غوث اعظم رضی اللہ عنہ کی جناب میں رجوع لا کر سی حرفی تصنیف فرمائی تو اسی رات کو خواب میں حضور غوث اعظم رضی اللہ تعالیٰ عنہ کی زیارت ہوئی اور آپ کو دربار غوثیہ میں برسر مسند خلعت فاخرہ پہنائی گئی۔

آپ کا ترکِ طعام

ایک مرتبہ آپ نے اس طرح کا چلہ کیا کہ ہر قسم کا اناج کھانا بند کر دیا کوکن بیرکوٹ کر ایک تھیلی میں رکھ لئے۔ شام کو روزہ اسی سے افطار کیا کرتے۔ ساگ وغیرہ کسی قسم کی سبزی، نمک، مرچ ڈال کر پکائی جاتی اور قدرے قدسیاہ استعمال کرتے۔ اسی طرح سے پانچ سال گزر گئے آپ کا بدن مبارک بالکل لاغر ہو گیا تھا۔

وصال مبارک

ایک دن حسب معمول بعد نماز عصر آپ ورو ووظائف میں مشغول تھے جب آفتاب غروب ہو گیا اس وقت آپ نے بغرض ادائے نماز مغرب تازہ وضو کیا۔ ایک خادم نے آگ جلانی، موسم سرما تھا بعد وضو آگ کے قریب تشریف لا کر بیٹھ گئے۔

اسی وقت بدن مبارک میں کمزوری سی ہو گئی جس سے آپ ایک طرف کوچھک گئے۔ خادم دربار جو آگ جلا رہا تھا اس نے پشت مبارک پر ہاتھ رکھ کر دوسرے آدمی کو آواز دے کر بلایا۔

دونوں نے مل کر آپ کو چار پائی پر لٹا دیا اسی حالت میں دوسرے روز اسی آفتاب عالمتاب نے رُخ انور کو ہماری نظروں سے پوشیدہ کر لیا اور اپنے مالک حقیقی سے جا ملے۔

إِنَّا لِلّٰهِ وَإِنَّا إِلَيْهِ رَاجِعُونَ

خدا رحمت کند این عاشقان پاک طینت را

میاں محمد بخش پیارے راہ عرفان دا دسیا

ایسے جوڑے شعر پیارے ہر اک دا دل کھسیا

محمد توصیف حیدر

بِسْمِ اللَّهِ الرَّحْمَنِ الرَّحِيمِ

وَرَفَعْنَا لَكَ ذِكْرَكَ

فہرست

- 17 **حمدیہ کلام**
- 27 حمد و مناجات
- 37 وحدت الوجود
- 40 **نعتیہ کلام**
- 47 حسن مصطفیٰ صلی اللہ علیہ وسلم
- 53 بیت معراج النبی صلی اللہ علیہ وسلم
- 61 بیت معجزات
- 62 نماز علی علیہ السلام کے لئے سورج کی واپسی
- 65 شان صحابہ رضی اللہ عنہم **واہلبیت** علیہم السلام
- 69 استغاثہ
- 71 شیر خدا مولا علی علیہ السلام

- 73 **بیت شانِ غوثِ اعظم** رضی اللہ عنہ
- 83 عشق دیاں گلاں
- 92 ہجر دیاں گلاں
- 101 ولیاں دی شان نسبت دے شعر
- 107 سچیاں سچیاں گلاں
- 128 **ماں دی شان**
- 132 منقبت حضرت پیر سید بہاول شیر قلندر رحمۃ اللہ علیہ
- 134 منقبت حضرت پیرے شاہ غازی رحمۃ اللہ علیہ
- 135 کھلے موتی
- 141 مکالمہ عقل تے نفس
- 144 **زبایاں**
- 145 اوّل حمد ثناء الہ والی
- 145 اوہو نام اتاردا بھار میرے
- 146 تیرے نام خیال تھیں باہجھ کوئی
- 146 تیرے ملن دی آس تے جیونی ہاں

- 147 مٹکھ دس مینوں جیویں بھاوناں ایں
- 147 تیرے ملن باہجھوں کھلتے صدرناہیں
- 148 تیری بندی آں میں تیری بندی آں میں
- 148 ہن آپیار یاہاری آں میں
- 149 جگ جگ جیوے اُستاد جانی
- 149 آیا وقت جاں نیک حساب اندر
- 150 اُستاد باہجھوں ناہیں کسب آوے
- 150 صحبت پیردی باہجھ تاثرناہیں
- 151 پانواں پیر کوئی جیہڑا یار میلے
- 151 چوداں طبق دسن وچہ پیردے جیوں
- 152 ڈٹھا پیر نے دُرّ یتیم رانجھا
- 152 ہتھ آیا عشق دا گنج تینوں
- 153 احسان کریں میرے نال پیرا
- 153 آیا منزلاں ماردا پاس تیرے
- 154 لڑی جو گیاں دی وچ سجیا میں

- 154 ہو یا یا ر غریب اکیلیاں دا
- 155 جنہاں عشق را کھا ہو یا جان اُتے
- 155 نفی غیر دی جد تمام ہوسی
- 156 جیہڑا جان دا دیکھ دا حال تیرا
- 156 گڑیاں سوہنیاں تھیں نستیں دُور بلی
- 157 سڑی رت پیاں بے سوادیاں نی
- 157 اس درد دا ہور دوانا ہیں
- 158 ڈگیا آن میں ایس جناب اندر
- 158 ایویں رائیگاں عمر گوانا ہیں
- 159 کریا د خداے نوں ویلڑا ای
- 159 کئے غم ناہیں دل شاد ہو یا
- 160 ربا میں یتیم غریب عاصی
- 160 نون نفس ہے اونٹھتے بار دُنیا
- 161 **دوہڑے**

حمد پر کلام

اَوَّلُ حَمْدِ ثَنَاءِ اِلٰهِي جُو مَالِكِ هَرِّ هَرِّ دَا
 اُس دَا نَامِ چِتَارِنِ وَالَا كَسِي مَيِدَانِ نَهْ هَرِّ دَا

اِكْنَا دِي پَهْلِ مِٹْھِي كِيئِي پَتِ اُنْهَانْدِي كُوڑِي
 اِكْنَا دِي پَهْلِ كَارِي اَوْنِ نَفِي پَهْلَا دِي تَهوڑِي

اِيْسِي عَجَابِ بَاغِي اِنْدَرِ اَدَمِ دَا رُكْھِ لَايَا
 مَعْرِفَتِ دَا مِيوِي دِي كِي وَاہِ پَهْلِدَارِ بِنَايَا

وَاہِ وَاہِ خَالِقِ سِرْجِنَهَارَا مَلَكَا جِنِ اِنْسَانَا
 اِرْبَعِ عَنَاصِرِ تَهِيں جِسِ كِيئَا گُونَاگُوں جِيوَانَا

قُدْرَتِ تَهِيں جِسِ بَاغِ بِنَايِي جِگِ سِنْسَارِ تَمَامِي
 رَنگِ بَرَنگِي بُوٹِي لَائِي گُجھِ خَاصِي گُجھِ عَامِي

حکم اُہدے بن لکھ نہیں ہل دا واہ قدرت دا والی
جیا جون نگاہ اوہدی وِچ ہر پتہ ہر ڈالی

آپ مکانوں خالی اُس تھیں کوئی مکان نہ خالی
ہر ویلے ہر چیز محمد رکھدا نت سنبھالی

آپے دانا آپے بیناں ہر کم کردا آپے
واحد لا شریک الہی صفتاں نال سیہا پے

رب جَبَّار قَهَّار سُنّی دا خوف بھلا اُس بابوں
ہے سَتَّار غَفَّار ہمیشہ رحم اُمید جنابوں

صُمُّ بُکْمُ رہن فرشتے کس طاقت دم مارے
در اوہدے تے عاجز ہو کے ڈھین بزرگ و چارے

بادشاہاں دے شاہ اُس اگے مونہہ ملدے وِچ خاکاں
اوگنہار کہایا اوتھے سچیاں صافاں پاکاں

واہ واہ صاحب بخشنہارا تک تک ایڈ گناہاں
عزت رزق نہ کھتے ساڈا دیندا فیر پناہاں

لُطف کریندا کم کنندہ ہر دم کاج سنوارے
سب خلقت دارا کھا اوہو بھیت پچھانے سارے

ناروں چا گلزار بنایا ابراہیم نبی تے
گنتی کریئے کی محمد کردا لطف سبھی تے

کھوہ سٹا کے آپ محمد پیغمبر کنعانی
باراں سالان دی کڈھ قیدوں فیر دتی سلطانی

سب وڈیائی اُس نوں لائق بے پرواہ ہمیشہ
ہکناں تاج سعادت دیندا ہکناں بد اندیشہ

دانا بیٹا زوراور ہے نالے بخشنہارا
ہر دم مدد رُوحاں نوں دیندا عقلاں نوں چکارا

اِکناں نُوں ایہہ تنگی دیندا روٹی باجھوں مر دا
اِکناں نُوں اَن مے خزانے غیبوں اگے دھردا

جو چاہندا سو کردا آپو کوئی نہ حاکم اُس دا
جان دیوے تاں زندہ بندہ کڈھ لوے تاں کھس دا

اوہو صاحب مُکاں والا اَسیں تَسیں سبھ بندے
ہر اک دا رکھوالا آپے کیا چنگے کیا مندے

حکمت حکم اوہدے تھیں بھریا ایہہ تمام پسارا
حکموں ظاہر اوہے کیہہ اے جان دا اے جگ سارا

تُوں بے اَنت سچے رب سایاں دھن خدائی تیری
مُول کسے نے اَنت نہ پایا ایڈ لکائی تیری

حکم تیرے بن لکھ نہیں ہلدا جو چاہویں سو ہندا
جس نوں آپ دلیری بخشیں اوہ میدان کھلوندا

مٺي وچون ڪڏھ وکھاوڻدا سوڻي گل هزاراں
خاڪو چاءُ اُچيرے ڪردا سرو بلند چناراں

رحمت دا مينهه پا خدایا باغ سُکا ڪر هريا
بُونا آس اُميد ميري دا ڪر دے ميونے بهريا

منڻا ميوه بخش اجيها قدرت دي گھت شيري
جو کھاوے روگ اُس دا جاوے دُور هووے دلگيري

سدا بهار رهوے اِس باغے ڪدي خزاں نه آوے
هوون فيض هزاراں تائين هر بھکھا پھل کھاوے

جے تک تينون طلب محمد اِس رستے مُر اڙيا
مُر آون دي رکھ نه رکھين ايتھون ڪوئي نه مڙيا

اوّل حمد خداوند تائين جو خلقت دا سائين
نابودون جس بُود بنايا هر اڪ صورت تائين

دو حرفاں تھیں پیدا کیتے لوح قلم جگ سارے
 كُنْ فَيَكُونُ مُحَمَّدٌ بَخْشًا وَاه قُدْرَتِ دے کارے

آپ کاریگر خواہش کر کے اربع عناصر گوئی
 تِن قَسَمَاں پیدائش اوتھوں رنگ برنگی ہوئی

اک جماد ہوئے اُس وچوں ناں اوہ ہلدے جلدے
 ہو رنبا ت حیات نہ مردے پھلدے پھلدے ٹھلدے

حیوانات کیے فر تھے صاحب جسمماں جاناں
 قِسْم ہزار اٹھاراں کیتی دُنیا تے حیواناں

صورت جدا جدا ہر اک دی علم اُہدے وچہ آئی
 رنگا رنگ بنائے کھانے دیندا ہر ہر جانی

ہر اک جون حباب اوہدے دی جان جسم وچہ پائی
 قوت قوت مروت کولوں مثبت ثبوت کرائی

صورت سیرت آپو اپنی دتی ربّ پیارے
ایک کیڑے وچہ پیراں رُلدے ایک پر بخش اڈارے

اکناں دے سر تاج ٹکائے ہد ہد شاہ یگانے
اکناں گل وچہ طوق سیاہی پھر دے چور بیگانے

ایک بلبل وچہ باغ دے جا کے کردی پھل نظارے
ایک گھر سو وچہ قید پنجر دے ضائع عمر گزارے

ایک پتنگ چراغاں اُتے جان کرن قربانی
آتش شوق اَلبے کولوں بدن ہووے نورانی

اک پر دار پکھیر و ہو کے چام چڑک بے چاری
اتھاں چوہا نہیرے دے وچہ روشنیوں بیزاری

قدر بقدری قوت ہر نون بخشی بخشہارے
ہمت دا لک بنھے ناہیں دوس کہیں پر مارے

خاک ہو یاں نوں دُوجی واری مُڑ کے زندہ گرسی
وچہ میدان قیامت والے ہر کوئی لیکھا بھرسی

نہ کوئی رو ملاحظہ اوتھے نہ کوئی عذر بہانہ
جو کجھ کرسیں سو پو ملسی ڈاہڈا عدل شہانہ

اوکھی گھائی مشکل اندر مدھ بن کوئی نہ والی
آپ مسبب نال سبباں غموں کریں خوشحالی

میں عاجز تے کرم کمائیو کیتائی رحم رحیماں
توں ہیں ساتھی بے کساں دا لیناں سار یتیمان

اوّل حمد خداوند والی ، والی جو جگت دا
جس گردوں سرگرداں کیتا وِنے تے راتیں وت دا

اُپر انبر تنبو تانے بن تھمّاں بن لاہاں
بآرام زمین کھلہاری میخاں مار پیٹھاہاں

پانی تھیں چا عرش بنایا آدم کیتا خاکوں
جان ایمان دتے اُس تائیں اپنے نُوروں پاکوں

کم تمام میسٹر ہوندے نام اوہدا چت دھریاں
رحمیں سگے ساوے کردا قہروں ساڑے ہریاں

حمد و مناجات

اوّل حمد خداوند تائیں بخشن ہار گناہاں
ظلم بے ادبی جویں کیتی بخشش اُس دی چاہاں

اوکھی گھاٹی مشکل اندر مُدھ بن کوئی نہ والی
آپ سبب تے نال سبباں غموں کریں خوشحالی

میں عیباں وچ عمر کھڑائی کر کر کاغذ کالے
فر اُمید نہ توڑیں ربا کر کرم دے چالے

سرتے پنڈ گناہاں والی قد میرے تھیں بھاری
خونی ندی اجل دی آگے نہ میں تلہہ نہ تاری

فضل کریں تاں ڈھوئی سائیاں عدلوں نہ چھٹکارے
کرم تیرے دی لکھی اُتے پاپ کمائے بھارے

جو کیتا سو بھلیاں کیتا سر پر میں تقصیری
بدبختاں دے کم کمائے کر کر دیں فقیری

توں سب عیب چھپائی رکھے پردہ مول نہ چایا
عزت رزق بدن وچ میرے کجھ نقصان نہ پایا

ناں اشنائی نال ملاحاں پلے نہیں مزدوری
کون لنگھائے پار بندے نوں جاناں کم ضروری

عملاں والے لنگھ لنگھ جاون کون چڑھاوے مینوں
پار چڑھاں جے رحمت تیری ہتھ پکڑاوے مینوں

نسن چھین کتے نہ ہندا سر مونہہ آگے دھریا
قہر کریں تے کوئی نہ چارا رحم کریں تاں تریا

توں ایں دائم بخشہارا پاپی اساں ہمیشہ
پکڑ کریں تاں کد چھٹکارا کوتاہ فکر اندیشہ

ساری عمر اچاپت چائی کھٹی بُرے عمل دی
کاغذ چھیک گناہاں والا کافی پھیر فضل دی

لکھیں خیر تِساڈے لیندے بن منگے بن لوڑے
دین دواں سمھو ہتھ تیرے کوئی نہ ٹھا کے ہوڑے

میں پاپی شرمندہ جھوٹھا بھریا نال گناہاں
اِکو آس تِساڈے در دی ناں کوئی ہور پناہاں

میں اَنھاں تے تِلکن رستہ کیونکر رہے سنبھالا
دھکے دیون والے بوہتے تُوں ہتھ پکڑن والا

کئی واری میں توبہ بھتی میں ہاں بے اعتبارا
فر تیرے در توبہ کیتی بخشیش بخشہارا

مونہہ کالا شرمندہ عاصی کیہہ تیرے در آواں
مجرم تھیں چا محرم کرنا تیرا فضل سُچاواں

بن آئی جند نکلے ناہیں کوئی جہان نہ جھلدا
ڈاڈے دے ہتھ قلم محمد وس نہیں کجھ چلدا

توڑے ہاں بدکار گناہی اسیں بندے منہ کالے
فر وی دائم فضل ترے دیاں آساں رکھن والے

توں غریب نواز ہمیشہ اسیں بندے درماندے
کرم کریں تے ہے چھٹکارا بھکھے ہاں کرماندے

اکو تیری اوٹ خدایا ہور نہیں کجھ سجددا
جس دیوے نوں آپ توں بائیں کد کسے تھیں سجددا

جس ویلے رب مہریں آوے ڈھل نہ لگدی ماسہ
وتعز من تشاء واہ واہ اس دا پاسہ

رحمت دا جد پانی لگا تاں ہوپا ایہہ ہریا
ہر ہر لائی نے پھل پایا سردھرتی جد دھریا

گنہ اوہدی نوں کوئی نہ پہتا عاقل بالغ داناں
در جس دے سر سجدے سٹے لوح قلم اسماناں

جو جو رزق کسے دا کیتوس لکھیا کدے نہ ٹالے
لکھ کروڑ تکے بریاں فر وی اونویں پالے

بادشاہاں تھیں بھیکھ منگاوے تخت بہاوے گھاہی
کچھ پرواہ نہیں گھر اُس دے دائم بے پرواہی

ہر درتوں دُرکارن ہوندا جو اُس در تھیں مڑیا
اوسے دا اُس شان ودھایا جو اُس پاسے اڑیا

دوئے جہان سماں زمیاں جو وافر بے اوڑے
وچ سمندر اوہدے دے ہک قطرے تھیں تھوڑے

کھانے پا بہایوس چوکی ڈاہ زمیں دا پلا
سجن دشمن چنگے مندے دیندا ناں دھر کلا

جے اوہ قہر کماون لگدا کون کوئی جو چھٹ دا
رحمت اس دی جگ وسائی ہر ہک نعمت لٹ دا

مان کریندیاں مان تروڑے مسکیناں دا ساتھی
کوہ قافاں وچ روزی دیندا سمرغاں نوں ہاتھی

ناں جس کم کمایاں کیتیاں او سے دولت کھٹیاں
ناں جس عیب گناہ کمائے او سے رنجاں کٹیاں

جاں توں گم ہوویں وچ اُسدے اپنی چھوڑ نشانی
ایہہ توحید محمد بخشا دے کون زبانی

جے کوئی غرق نہ ہو یا بھائی وحدت دے دریاوے
کیہہ ہو یا جے آدم دسدا لیک نہ مرد کہاوے

لکھ گناہ تیرے در پچدے ایسا لطف غفوری
اگے تیرے ہر کوئی عاجز کون کرے مغروری

اوہو صاحب ٹکاں والا اسیں تسیں سبھ بندے
ہر اک دا رکھوالا آپے کیا چنگے کیا مندے

امر اوہدے بن لکھ نہ ہلدا لکھ کرے کوئی زورے
آپ دے توفیق چلن دی سبھے اس دی ٹورے

اک خداوند سرجنہارا کوئی نہ اُس دے جیہا
رکھن مارن والا اوہو ہوروں خوف کوہیا

ہر ڈاہڈے تھیں ڈاہڈا آپے وڈھ شمار حسابوں
بے نیاز اوہو جگ سارا منگن ہار جنابوں

اسیں تسیں ہر کم کمائے نال اسباب ہتھیاروں
اس نے جے کجھ پیدا کیتا بن اسبابوں یاروں

حکم اوہدے تھیں کوئی نہ نسدا اسیں حکم دے بندے
جاں دم کڈھ لئے اک پل وچ مک جاون سبھ دھندے

کیتے رب سچے دے اُتے صابر شاکر رہنا
اُس بن ہور نہیں کوئی والی ونج کسے در ڈھینا

تختوں لاه بہاوے قیدی ہو نما نے بہنا
دُکھیں بھریا حال محمد فیر اوسے نوں کہنا

مشکل پاؤن والا آپوں آپوں ہے حل کردا
عاشق نوں لاء روگ پر م دا میل سجن ول کردا

سکھیاں نوں اوہ دُکھ سہاوے پاوے وخت امیراں
اڈ دے پکھی قید کرائے چھڈے سخت اسیراں

وال برابر سیس نہ چائیے حکم اوہدے ونج ہوئیے
اُس بن ہور نہ حاکم کوئی جس در جا کھلویے

نام وراں دیاں ناماں اُتے نام تیرا سرناماں
گنہ تیری ونج راہ نہ پایا کیا خاصاں کیا عاماں

اُس اگے کچھ دیر نہ لگدی سانوں مشکل بازی
عاجز دیکھ محمد بخشا کرے غریب نوازی

کامل عشق خدایا بخشیں غیر ولوں مکھ موڑاں
ہکو جاناں ہکو تگاں ہکو آکھاں لوڑاں

بال چراغ عشق دا میرا روشن کر دے سیناں
دل دے دیوے دی رُشنائی جاوے وچ زمیناں

کیہہ کھٹیا کیہہ وٹیا اگے نہ گچھ ہتھ نہ پلے
بوہا منگ کریم سچے دا رکھ جھولی کچھ گھلے

جگتوں باہرے پاپ کمائے لاء فقر دے جامے
توں سچا میں جھوٹھا ربا کیا لیکھا کیا نامے

نعمت بوہت دتی مدھ اتھے باہر لطف حسابوں
اوسے لطف ہلایا مینوں لگی آس جنابوں

سرتے پنڈ گناہاں والی قدر میرے تھیں بھاری
خونی ندی اجل دی اگے نہ میں تلہہ نہ تاری

آپے غم لگاوے سانوں آپ کرے غم خواری
آپ پھٹے چھک گلئیں سٹے آپ کریندا کاری

بادشاہاں دا شاہ کہاوے نال غریباں یاری
عسروں یسروں غریب نوازی کم سدا سرکاری

لوے بچا محمد بخشا رب بچاون ہارا
آتش بلدی تھیں رکھ لیندا فضل کماون ہارا

وحدتُ الوجود

وحدت دا دریا وڈیرا جاں موجاں وچ آوے
ڈاہاں وکھریاں بھن ٹہناں کھو لہر بناوے

قطرہ ونج پیا دریاوے تاں اوہ کون کہاوے
جس تے اپنا آپ گواوے، آپ اوہو بن جاوے

وحدت دے دریا وچ پیناں کم نہیں ہر ہر دے
لکھ جہاز ڈبے فرمڑ کے تھناں بار نہ دھر دے

اک صورت وچ سیرت پاوے اہل بصیرت تکدے
انہاں تائیں ستمگر بھائی قدر پچھان نہ کردے

ہر صورت وچ جلوہ کر کے کردا خوب تماشے
کیہڑا تپڑ باز محمد کون بٹیرے باشے

عاشق دے دل کرے تجلی فر صورت ول جاوے
کچھے ای دل جاندا بھجدا کون دقیقے یاوے

عجز نیاز اوتھے رکھ جاندا ناز ترے وچ صورت
یکتائی وچہ گھت جدائی دے نال ضرورت

منظہر ذات اپنی دا کیتا ایہہ انسان پیارا
بھج وڑیا جو سایہ اُسدے اُسدا ہے چھٹکارا

باد صبا بن کون لیاوے خیراں گل دے پاروں
لکھ ہزاراں پھرن پکھیرو پھلے باغ بہاروں

کیہہ کجھ بات وحدت دی دستاں قدر نہ میرا بھائی
ایہہ دریا اگے دا وگدا جسدا لاہنگ نہ کائی

بلھے شاہ دی کافی سُن کے ٹنڈا کفر اندر دا
وحدت دے دریا دے اندر اوہ وی نال ہے تر دا

جنہاں اک گھٹ بھر کے پیتا وحدت دے مدھ لالوں
علم کلام نہ یاد نے رہندے گذرے قال مقالوں

آپو آپ رہیا اس گھر وچ کوئی شریک نہ دوجا
آپے ٹھا کر نام دھرائے آپ کریندا پوجا

آپے حاکم آپے رعیت مہر آپے پٹواری
کون بٹیرا کھیڑا باشہ کھیڑا میر شکاری

بادشاہاں نوں تختوں سٹن کرن غریب نمانے
تاج غریباں دے سر رکھن واہ محبوب سیانے

آپے لٹن آپے مارن آپے ذبح کردے
آپ نوازن محرم کر کے تاج سرے تے دھردے

آپے پاڑن آپے سیون آپ لاء بجھاون
آپ اجاڑن شہر دلاں دے آپے فیر وساون

آپ دُکھاون دُکھئے تائیں آپ کرن غمخواری
آپ حبیب طبیب دلاں دے دارو دین ازاری

نعتیہ کلام

واہ کریم اُمت دا والی مہر شفاعت کردا
جبرائیل جیہے جس چاکر نبیاں دا سر کردا

اوہ محبوب حبیب رباناں حامی روز حشر دا
آپ یتیم یتیمان تائیں ہتھ سرے تے دھر دا

جے لکھ واریں عطر گلابوں دھویئے نت زباناں
نام انہاناں دے لائق ناہیں کیہہ قلمے دا کاناں

نعت انہاں دی لائق پاکی کد آساں ناداناں
میں پلپت ندی وچ وڑیا پاک کرے تن جاناں

سبھے نور اوسے دے نوروں اُس دا نُور حضوروں
اُس نوں تخت عرش دا ملیا موسیٰ نوں کوہ طوروں

نور محمد روشن آہا آدم جدوں نہ ہویا
اول آخر دونویں پاسے اوہو مل کھلویا

پاک جمال اُہدے نوں سِکدے روح نبیاں سندے
 حوراں ملک اُنہاندی خاطر خدمت کارن بندے

ولی جنہاں دی اُمّت سُنڈے نبیاں نال برابر
 اُمّت اُسدی نبیاں لوڑاں مُرسل ہور اکابر

خوبی شکل بلندی ہمت سچ گل نیک اعمالے
 نسب پسندتے حسب پاکیزہ قوت عقل کمالے

نور ندی وچہ خوب نہائے دتی رب فصاحت
 خلعت پہن نبوت والا بیٹھے تخت رسالت

عیسیٰ خاک تِساڈے در دی گھن تیمم کردا
 تائیوں دست مبارک تیرا شانی ہر ضرر دا

خال غلامی اُس دی والا لایا پاک خلیلے
 جانی نوں قربانی کیتا مہتر اسماعیلے

موسیٰ ، خضر نقیب انہاندے اگے بھجن راہی
اوہ سلطان محمد والی مرسل ہور سپاہی

اوگنہار طفیل تساڈے اسپں بہشتیں جائے
رحمت آتے لقاء مہر دا پاک جنابوں پائیے

ہور کسے کچھ نیکی ہوسی توشہ خرچ قبر دا
میںوں اکو نام تساڈا گہنا روز حشر دا

تینوں قوت بخشی مولا سب خلقت بخشاویں
ہندے روز سوال نہ موڑیں نبی کریم کہاویں

دوست دشمن چنگا مندا جے کوئی ہوئے سوالی
کد کریمیاں دے در اتوں مڑ آوے ہتھ خالی

رکھی جھول تساڈے اگے پاؤ خیر یتیمیاں
اوگنہار کچھیں بھریا بخشیں نبی کریمیاں

خاطر اُسدی تخت سہایا اُچا عرش بریں دا
مجلس بیٹھن کان وچھایا سُچا فرش زمیں دا

طہ تے یسین الہی صفت تُساڈی کروا
سُخن نیئیں کوئی ہندا میتھیں تیری شان قدر دا

ہر عزت لولاکی تینوں کی میں صفت سناواں
آل اصحاب سمیت سلاماں ہور دُرود پچاواں

نوکر اُسدا سب جگ ہويا اوہ سلطان جہاں دا
نوری بدن مبارک اُسدا سرور شاہ شہاں دا

آدم جن ملائک حوراں سب طفیل اُنہاں دی
اوہ سلطان نبیاں دا ہويا ہر اک چیز اُنہاں دی

آدم اُجے نہ ہويا آہا جاں اس نبی کہایا
انبر دھرتی دوزخ جنت خاطر اس دی پایا

مہتر نوں سلمان تے موسیٰ جھنڈا اُسدا چاندے
اوس عزیز اگے ہو بر دے یوسف جئے وکاندے

سب صفتاں تھیں صفت وڈیری ہو یا فضل حضوروں
کھلی عالی صفت مبارک پاک نبی دے نوروں

اوّل آخر تیک جنہاں دا شان نہ تھیندا ایہا
صلی اللہ علیہ وسلم دہن حبیب اجیہا

جس چیزے تے ہتھ لگاوے خیر تے برکت پاوے
اپنیاں انگلاں پاکاں وچوں تسیان جل پلاوے

لکھ صلوة سلام نبی تے جو شفیع آساہاں
جرم سزاوّل اوہدے پچھے رہاں بخش پناہاں

پاک وجود شریف نبی دا مثل چراغے جیتا
ظلمت گُفر جہالت اندر اللہ روشن کیتا

پکا علم نبی نون وِتا سب علماں وِچہ کامل
ہر علمے دے مشکل مسئلے اُس تھیں ہوندے حاصل

ہے سلطان عرب دی نسبت اُمّی لقب تمہارا
عرب عجم سب بندے تیرے تون صاحب سردارا

تیغ زبان چلا عرب تے ملی فصاحت تینوں
لائیں لون شکار عجم دے خوب ملاحت تینوں

تون ہیں باغ مراداں والا پھلتیں میوے بھریا
سکی لکڑ وچہ نہ سوہے گلشن جتھے ہریا

نام کلام تساڈے لکھے لہندا چڑھدا
کی ہو یا جے کسے نہ ڈٹھا آپوں لکھدا پڑھدا

دور پھریندیاں نون پھڑ کریو اندر قرب حضوری
گفاراں دا ہاہ ہنیرا خاص بنائیو نوری

حسنِ مصطفیٰ ﷺ

گُرسی عرش نہ لوحِ قلم سی ناں سُورج چن تارے
تاویں نُورِ محمدِ والا دیندا سی چمکارے

چودھویں دے چن نالوں بوہتی چہرے نُورِ صفائی
جاں حضرت مُکھ کرن برابر اُٹھے اوہدی رشنائی

چہرے دی رُشنائی کولوں اندر چانن سارا
دیکھ خوشی تھیں ہاسا آیا واہ واہ شاہ ہمارا

حضرت عائشہ نے فرمایا ایک دِن مُکھ نورانی
اتنا نُورِ نبی دے چہرے دیکھ لگی حیرانی

شبِ قدروں کیں حصے آیا نُورِ کناں اُس ویلے
کوئی محروم نہ ہووے شمالا ہر نون صاحبِ میلے

حُسن بازار اُہدے سے یوسف بردے ہوو کاندے
ذوالقرنین سلیمان جیسے خدمت گار کہاندے

پاک نبی دے گیسو اندر معجز سی ہر والوں
کی نشانی کارن دستاں خبر ہووے اس حالوں

دلبر دا مکھ روشن دیدے ویکھن نال صفائی
بہت بھلا اوہ ویکھن جیکر اچن چیت وکھائی

اُسدے مکھ چوں نظریں آون بود نبود تمامی
وچہ صفائی دے جگ دسن کیا خاصے کیا عامی

پاک وجود شریف نبی دا مثل چراغے جیتا
ظلمت گُفر جہالت اندر اللہ روشن کیتا

سورج وانگ نورانی متھا نظر نہ کیتی جاوے
جے پتھر دل والا تکی اکھیں پانی آوے

لالی ویکھ پیشانی والی داغ لگے گل لالے
دند چٹے جیوں چنبے کلیاں موتی کرے اُجالے

صاحب حُسن جمال گھنے دا روشن چن پیشانی
کردا رات ہنیری تائیں وانگ شمع نورانی

جے لکھ صفت زبانوں آکھاں مُول نہ ہندی پوری
پھل گلاب بہاری وانگوں دو رُخسارے نُوری

قد مبارک آہا میانہ ناں لہماں نہ چھوٹا
نازک بدن رنگیلا جُشہ بے انداز ناں موٹا

بدن مبارک وانگر چٹا جیونکر خالص چاندی
اک دُوجے اعضادے اُتے تابش پوے اُنہاں دی

اُو ادنیٰ دے حرم سرا وچ جو محرم سُن پیارے
قاب قوسین اونہاں نوں دے وحدت تیر الارے

شیر دلاں نوں ہرناں وانگر مارن وقت شکارے
گوہڑے نین محمد بخشا جو دے متوارے

ایسی نظر اکھیں وچ آہی جیسی ہور نہ کسے
چانن اتے ہنیرے اندر اکو جیہا دتے

دو رُخسارے صاف نورانی ہڈ باہر نہ دتے
ایہہ موزون مبارک صورت ہور نہ پائی کتے

متھا بہت فراخ چمکدا ناں وٹ وچہ نہ بستہ
ابرو سن محراب کشادے لیک آہے پیوستہ

نوری موتی دند مبارک بہت براق سفیدی
وتھ دنداں وچ آہی جس تھیں نکلے لو نوریدی

لمتیں گردن صاف رنگیلی وانگر چٹی چاندی
اک دو جے تھیں دُور دو موہڈے دتے وتھ دونہاں دی

واہ سینہ بے کینہ آہا چیرا لمتاں سارا
شکم مبارک مشکیں بھریا نال کدے ہموارا

بہت آہی خوشبو بدن وچ جو جو پاس کھلونڈے
باس بہشتی اُسدی کولوں مغز معطر ہوندے

لکھ لکھ عاشق حُسن تیرے وچہ ہو حیران کھلوتا
اک اک نظر تیری تھیں ہر اک سچی لڑی پروتا

متھے دا چمکارا جیہا دسدا سی نورانی
جُتھے پاک وچوں سی چڑھیا گویا چن آسمانی

جاں ول سُورج کردا آہا پاک نبی پیشانی
نُور نبی دا غالب آوے سورج ہووے نہ ثانی

سو سلیمان سکندر چاکر جاہ جلال اوہدے دا
لاکھ سرو آزاد ہے گولا نونہال اوہدے دا

لکھ جمشید فریدوں دارا نفر اقبال اوہدے دا
 گل نبی محتاج نہ ثانی قدر مجال اوہدے دا

واہ سرور جے چاکر ہو یا بدر ہلال اوہدے دا
 حُوراں خال لگائے مکھ تے رنگ بلال اوہدے دا

صُورت وچوں حُسن سجن دا پردہ کھولن والا
 سیرت وچ جمال سائیں دا دِسدا خوب اُجالا

پاک محمد عربی یارو جس تھیں اوّل آخر
 باطن اندر سبھ تھیں اوّل آخر سبھ تھیں ظاہر

سچے رب تینوں وڈیا یا کوئی نہ تیرا ثانی
 تیرے حکم تھیں دوہیں جہانے روشن زمیں آسمانی

بیت

معراج النبی صلی اللہ علیہ وسلم

آئی رات مبارک والی بھاگ اساڈے جاگے
سجناں تے خوش مشکاں ڈہلیاں دشمن سر سہاگے

آسماناں پر تارے روشن شمع چراغ یگانے
سکدیاں یاراں نوں آپونہتے سکاندے پروانے

وحی وکیل لیایا سدا نالے گھوڑا جوڑا
آملیے اک جوڑ محمد تینوں قرب نہ تھوڑا

لوح قلم آسماناں زمیاں دوزخ جنت تائیں
گری عرش معلیٰ ویکھیں سیر کریں سب جائیں

عزت قرب تساڈا ویکھن حوراں ملک پیارے
نالے روح نبیاں سندے ہون سلامی سارے

دوزخ جنت وچہ آسماناں جو خلق اللہ وسدی
پاک جمال تساڈے کارن ہر دی جان ترسدی

و یکھ جمال حبیب میرے دا صدقے صدقے جاون
شرف سعادت پاون سارے شکر بجا لیاون

ہویا سوار بُراقے اُتے اوہ سلطان عرب دا
چائی واگ محبت والی پھڑیا راہ طلب دا

لے لے نذراں ملدے اگوں رُوح تمام نبیاں
خدمت اندر حاضر ہوئے بدھے لک ولیاں

سے سنگار کیئے سب حُوراں منگل گاؤن کملیاں
اَج جنجاں دا لاڑا آیا مِل مِل رکھو گلیاں

اَسری دا سرگشت سرے تے افسر سی لولاکی
طاہا تے یسین پھلاں دا سہرا شرم تے پاکی

سوہنی جھنڈ معنبر سر تے چمکے نُور دکھانوں
سُرمہ سی مازاغ اکھیں وچہ گل تعویذ قرآنوں

نعت دُرودِ صلوةِ سلاموں چھٹیاں جھولن قطاراں
صلی اللہ علیہ وسلم کرن نقیب پکاراں

چھوڑ آسمان زمیناں تائیں سرور گیا اگیرے
جتھے وحی نہیں ونج سکدا ہٹ بیٹھا کر ڈیرے

سرور نے فرمایا اُس نوں جے تُوں ساتھی میرا
چل اگیرے نال اساڈے کیوں بیٹھوں کر ڈیرا

کیتی عرض فرشتے حضرت کون اسیں بیچارے
جے اک گٹھ اگیرے ہوواں سڑ جانڈے پر سارے

نہیں مجال اساڈی اگے چمکن نُورِ تجلی
ایسا قُرب تَساں نوں لائق جاہو ہک ہکلا

جتھے قدم تساڈا اوتھے ہور نہیں کوئی سجدہ
اہل کمال جلال محمد توں ہی توں ہی سجدہ

سبھ کے تھیں گئے اگیرے چا چا پردے نُوری
قاب قوسین او ادنیٰ تائیں پایا شان حضوری

جانی نال ملے دل جانی وتھ نہ رہیا ذرّہ
خلعت تحفے ہدیئے لے کے آئے پھیر مقررہ

ایسا نبی جنہاں دا والی سو اُمت کیوں جُھرسی
عیب گناہ خطایاں بابت کیوں دوزخ ول ٹُرسی

مہتر موسیٰ طور دے اُتے چڑھ کہیا ربِ ارنی
سچے رب فرمایا اُسنوں موسیٰ لاتذرنی

اس نوں چاہڑ براق سدایا کرسی عرشوں اگے
قاب قوسین او ادنیٰ کہیا سُنیا سارے جگے

جدوں براق فرشتے آندا کارن خاص سواری
جاں شاہ چڑھن لگے تاں گھوڑے عرض گزاری

ابن عباس روایت کر دا شک ذرہ وچہ ناہیں
جے دیوے دی لوئی حضرت بہندے سان کداہیں

تاب نبی دا غلبہ کردا گھٹ دا تاب چراغے
سوہناں قد نبی دے جہیا سرو نہیں وچہ باغے

جاں ول سورج کر دا آہا پاک نبی پیشانی
نور نبی دا غالب آوے سورج ہووے نہ ثانی

واہ سرور جے چاکر ہو یا بدر ہلال اوہدے دا
خوراں خال لگائے مکھ پر رنگ بلال اوہدے دا

سورج روشن ہک چکارا نور جمال اوہدے دا
خوشبو دار پیراہن گل دا عکس رومال اوہدے دا

لعل پتھر وچہ کردا جلوہ حسن کمال اوہدے دا
مَرّ یتیم سپاں وچہ پانی اثر ظلال اوہدے دا

گُل مَلکاں دے پراوڑندے مُل پک وال اوہدے دا
تاں گُل سرخرو ہو یا جی ہمرنگ آل اوہدے دا

سو سلیمان سکندر چاکر جاہ جلال اوہدے دا
لاکھ سرو آزاد ہے گولا نونہال اوہدے دا

لکھ جمشید فریدوں دارا نفر اقبال اوہدے دا
گُل نبی محتاج نہ ثانی قدر مجال اوہدے دا

سب دینداراں تاج ٹکایا سر پر ڈال اوہدے دا
راہ پیناں دا سُرمہ گھٹا راہ پامال اوہدے دا

مُرسل دست آویز پکڑ دے پاک دوال اوہدے دا
رستم سام نہ جھلدے اگا شیر جدال اوہدے دا

گُل عالم سِر صدق جو بن بے مثال اوہدے دا
کچے لاکھ پکائے ہگو سوز اوبال اوہدے دا

لکھ عاقل دیوانہ ہو یا مدھ حلال اوہدے دا
 اوہو ذوق محمد منگے شوق وصال اوہدے دا

کی کجھ نعت تساڈی آکھاں خلقت دے سردارا
 لاکھ صلوة سلام تیرے تے لکھ درود ہزارا

بیت مہجرات

معجزہ سرکارِ دو عالم صلی اللہ علیہ وسلم نمازِ علی علیہ السلام کے لئے سورج کی واپسی

فتح کیتا جد پاک نبی نے خیر دا گڑھ پکا
مومن نال خوشی دے بیٹھے پیا جہوداں دھکا

شاہ علی دے گوڈے اُتے سرورِ سیرسی دھریا
اس حالت دی مستی اندر رب دا وحی اُتیا

حضرت نال وحی مشغولی دسن باہروں سوئے
دیگر وقت فرض دا چلیا شاہ متفکر ہوئے

جے ہلاں تاں پاک نبی نوں ہوسی بے آرامی
نہیں تاں فرض قضا ہووے گا متھے لگ سی خامی

شاہ علی نوں اس فکر وچہ غم دی آتش تایا
دوہاں ولاں تھیں رہ نہ آوے کیکر کراں خدایا

اوڑک ایہہ قبول کیتونے یار ولوں رہ آوے
 یار ہووے دِگِیر محمد گھوہ عبادت پاوے

تقصیروں دِل گیر نہ ہونون شالا یار یگانے
 ہو ر عذاب سرے پردھر ساں پوے نہ بھنگ یرانے

ویکھدیاں دِن لتھا او تھے حضرت شاہ نہ ہلے
 ہوئی قضاء نماز عصر دی غم تھیں آسو چلے

جدوں فرشتہ رخصت ہو یا سرور اٹھ کھلویا
 شاہ علی نوں روندنا تک کے پچھن کہو کی ہو یا

کیوں تُوں ٹھنڈیاں آہیں ماریں کیوں ہنجواں پر روندنا
 درد رسیدہ نالہ تیرا پتھر سخت پروندنا

کہو کی درد اجیہا لگا زرد کیتوں جس مر دا
 حال بے حال ہو یا کیوں تیرا بیدن دس اندر دا

شاہ علی فرمایا اگوں سُنتوں پاک رسول
جان تیرے توں صدقے جاوے اللہ دے مقبول

ہوئی نماز قضا عصر دی اوس نقصانوں روند
کد ہن سورج میرے کارن مڑ کے چڑھ کھلوند

حضرت غمِ علیٰ پیدا تک کے لگے کرن دُعائیں
ربا سورج دیگر اُتے چھب دے آن دکھائیں

کرے ادا فریضہ حیدر دُور ہووے غم اُسد
نہیں تاں ایہہ جوان رنگیلا خوف گنوں ہن گُسد

سورج رب لیاندا باہر مغرب وٹوں مڑ کے
دیگر اُتے آن کھلوتا ہویا سلام اوڑ کے

حضرت شاہ نماز گزاری تاں پڑھیا شکراناں
معجز پاک نبی دا ہویا روشن وچہ جہاناں

بیت

شان صحابہ رضی اللہ عنہم

و

اہلبیت علیہم السلام

بخش محبت آل اپنی دی مست کریں اس جاموں
ملے شہادت نال ارادہ رکھ ہر رنجوں عاموں

مُدھ پر ہون درود اللہ دے آل اولاد تیرے تے
پیرواں اصحاباں اُتے پہن بنیاد تیری تے

پیر مرید صدیق اکبر سن پہلے یار پیارے
حق جنہاں دے ثانی اثنین اذ ہما فی الغارے

یار دوجا فاروق عمر سی عدل کیتا جس چڑھ کے
ایہہ شیطان رجم رُلایا پنچے اندر پھڑ کے

شب بیدار غنی سی تریجا جامع جو قرآنی
عثمان ذوالنورین پیارا مہتر یوسف ثانی

چوتھا یار پیارا بھائی خاصہ دل دا جانی
دُل دل دا اسوار علی ہے حیدر شیر حقانی

ستر دو بہتر واری راہ اللہ دے وکیا
دو لے امام دتے راہ مولیٰ فیر صبر کر ٹکلیا

ربا انہاں اماں کچھے جو گل لال نبی دے
پاک شہید پیارے تیرے افسر آل نبی دے

اکنناں عشق تیرے دے پیتے بھر بھر زہر پیالے
خنجر بھاگ محبت والی اکنناں بدن حلالے

ہندی قوت زور نہ لایا بیٹھے من رضا میں
پانی باجھ پیاسے چلے دین دُنی دے سائیں

عشق تیرے وچہ گھائل ہوئے مائل حسن ازل دے
سر دتے پر سی نہ کیتی شادی کر کر چلدے

پیر سنے وچہ نیر عشق دے بیڑا میرا تاریں
میں عاجز مسکین بندے نوں نال ایمانے ماریں

توڑے رو سوال کر لسی توڑے عرض قبولے
میں وی دوہیں جہانی پھڑیا دامن آل رسولے

دین اسلام محمد تائیں قوت بخش پرانے
دامن آل تیری دا پکڑاں ہتھ دیہو سترانے

لکھ صلوة سلام اوہناں تے ہر فجری ہر شاماں
آل اولاد اصحاباں اُسدیاں ہون دُرود سلاماں

استغاثہ

یا نبی اللہ جے کجھ دتا قدر تینوں رب والی
 ذرے جتنا گھٹ دا ناہیں جتھوں ہندا حالی

اوگنہار طفیل تساڈے اسیں بہشتیں جائے
 رحمت اتے لقاء مہر دا پاک جنابوں پائے

ہور کسے کجھ نیکی ہوسی توشہ خرچ قبر دا
 مینوں اِکو نام تساڈا گہناں روز حشر دا

تینوں قوت بخششی مولا سب خلقت بخشاویں
 ہوندے زور سوال نہ موڑیں نبی کریم کہاویں

دوست دشمن چنگا مندا جے کوئی ہوئے سوالی
 کد کریمیاں دے در اتوں مڑ آوے ہتھ خالی

رکھی جھول تساڈے اگے پاؤ خیر یتیمان
اوگنہار کوچجیں بھریا بخشیں نبی کریمان

کیتی بے فرمانی تیری بھلا پھرے وس راہوں
نام اللہ دے بخش بے ادبی ناں کر پکڑ گناہوں

سخن نہیں کوئی ہندا میں تھیں تیرے شان قدر دا
طاہاتے یسین الہی صفت تساڈی کر دا

بہت صفت لولاکی تینوں کی میں صفت سناواں
آل اصحاب سمیت سلاماں ہور دُرود پچاواں

آل اولاد تیری دا منگتا میں کنگال زیانی
پاؤ خیر محمد تائیں صدقہ شہ جیلانی

شیرِ خدا مولا علی علیہ السلام

چوتھا یار نبی دا پیارا خاصہ دل دا جانی
 دُلدُل دا اَسوارِ علی ہے حیدر شیرِ حقانی

لحمکِ لحمی دمکِ دمی شانِ جہدے وچ آیا
 سخی بہادرِ جگ وچ نادرِ جسدا عالی پایا

ذوالفقارِ جہناں نوں اُتری خلعتِ فقرِ حضوروں
 جگِ جہانِ ہوئی رشنائیِ شاہِ مردانِ دے نوروں

میرے پیرِ علی دے آگے بتاں سیسِ نوائے
 خیرِ دا درِ توڑ کے مولا ڈنکے دینِ وجائے

غالبِ شیرِ اللہ دا سوہنا بھائیِ پاکِ نبی دا
 گنتی وچ نہ آوے ہرگز رُتبہِ شاہِ علی دا

نام اُہد اُسُن زور ہے ٹُٹ دا دیواں تے عفریتاں
نعرہ سُن کے گوٹ گرن گے پوسی بھاج پلپیتاں

دُل دل دا اسوار رہوے گا خیر دُل دُل کر سی
دُل دل سٹ سی لکھ کفارا جت پاسے منہ دھر سی

چوٹ اُہدی نوں کوئی نہ جھلے دشمن ملن منجا
سے رستم لکھ بہن ثانی جھل سکن نہ پنجه

زور اوہدا کوئی جھل نہیں سکدا فاتح ہر میدانوں
دین اسلام ہے پکا کیتا کڈھ کے کفر جہانوں

حیدر صفر شیر بہادر شاہ دلیر سپاہی
سے سورج تھیں روشن ہوسی کر سی دُور سپاہی

زمیناں تے آسماناں اُتے نوبت اُسدی کھڑکی
خوراں ملک نقیب ہوون گے جس پاسے اٹھ ٹرسی

بیت

شانِ غوثِ اشرفِ اعظم رضی اللہ عنہ

آل اولاد تری دا منگتا میں کنگال زیانی
 پاؤ خیر محمد تائیں صدقہ شاہ جیلانی

واہ واہ میراں شاہ شہاناں سید دوہیں جہانی
 غوث الاعظم پیر پیراں دا ہے محبوب ربانی

آل نبی اولاد علی دی سیرت شکل اونہاں دی
 نام لیاں لکھ پاپ نہ رہندے میل اندر دی جاندی

سے برساں دے موئے جوائے سکے پیر وگائے
 گھسے رُوح فرشتے ہتھوں لکھے لیکھ مٹائے

غوثاں قطباں دے سر میراں قدم مبارک دھریا
 جو دربار انہاں دے آیا خالی بھانڈا بھریا

اوس محبوب الہی جیسا جگ تے سخی نہ کوئی
مشت نمونہ سر خرداروں اک دن کیسی ہوئی

ڈیگر ویلے اک مریدے کیتی عرض ضروروں
یا حضرت اَنج کوئی سخاوت ڈٹھی نہیں حضوروں

باطن اندر کیتی سائیاں سانوں نظر نہ آئی
یا کوئی ہور اَسرار اجیہا جیس دیہاڑ لنگھائی

حضرت نے فرمایا شخصاً ہے لکھ باطن کیتی
لیکن تساں ڈٹھی نہ کوئی جو بتی سو بتی

ظاہر وی کجھ دساں تینوں پل نہ جاندا خالی
ایہو جئی ہمیش سخاوت کھڑ دی روز سوالی

ست دیہاں کوئی عاصی مجرم چُن چُن بُرے لیاؤ
نظر اساڈی آگے رکھو ساعت ڈہل نہ لاؤ

خدمت گاراں پکڑ لیاندے اوگنہار نکارے
میراں نظر کرم دی کییتی غوث بنائے سارے

اک کوئی ولی اللہ دا ہو رو کے تقصیراں
چور اچکا تے منہ کالا پیر بنایا پیراں

جتول جاوے نکے وڈھے لوک سبھو درکارن
ایہہ مردود الہی مندا آیا ہے کس کارن

منگیاں خیر نہ پیندا کدھروں نہ ملدا گھٹ پانی
بھکھا تے ترہایا وت دا پکڑی چال نمائی

ترے سے سٹھ (۳۶۰) ولی دی قد میں لگا وارو واری
اوہ تقصیر معاف نہ ہوئی دن دن ودھ قہاری

صاف جواب ولیاں دتا توں مردود جنابی
جے کوئی کرے شفاعت تیری اوسدی باب خرابی

اُوڑک اِک ولی نے کہیا جا بغداد سہاوے
اوہ میراں محبوب خدا دا مت تینوں بخشاوے

مونہہ کالا کر گیا نماناں حضرت دی درگاہے
حق اوہدے وچہ رحمت منگی میراں شاہنشاہے

ہویا حکم جنابوں میراں ناں کر اِس دی یاری
جو اوپر الہ اس دا کرسی اوسدے باب خواری

ایس گلوں محبوب الہی رُس ہویا مڑ راہی
جاں اِک حکم اُٹھایا اونویں ہویا حکم الہی

ایہہ مردود زیانی بخشاں ہور ہزار اجیہا
رُس نہیں محبوب پیارے مینم تیرا کہیا

دوجا قدم اُٹھایا حضرت فیر کہیا رب والی
دو ہزار اجیہا بخشاں نالے ایہہ سوالی

تیجا قدم مبارک چایا آیا محکم حضوروں
ترے ہزار تے اک ایہہ وی واصل کرساں نوروں

تیرا کیہا کدے نہ موڑاں اے محبوب یگانے
اوہ ساری جدّ قطب بنائے پیر پڑھے شکرانے

ایسی عزّت خاطر تیری رب دے خاص عزیزا
آس تْساڈی رکھاں میں وی اوگنہار ناچیزا

سیوا دار تْساڈا حضرت کوئی نہ رہیا خالی
سخی دوار تْساڈے اُتے میں کنگال سواالی

لکھاں خیر تْساڈے لیندے بن منگے بن لوڑے
دین و دان سبھو ہتھ تیرے کوئی نہ ٹھا کے ہوڑے

میں پاپی شرمندہ جھوٹا بھریا نال گناہاں
اکو آس تْساڈے در دی ناں کوئی ہور پناہاں

میں اٹھاں تے تِلکن رستہ کیونکر رہے سنبھالا
دھکے دیون والے بوہتے تُوں ہتھ پکڑن والا

توں پکڑیں تاں کوئی نہ دیکھے پہنچ شتابی کر کے
گھسن گھیر اندر من تارو لگ ناں سکاں تر کے

تِلک تِلک کے منہ سر بھریا گندی گلی گیا ہاں
تکدے لوک تماشے حضرت میں بے حال پیا ہاں

پاک نہیں ہتھ پکڑا اٹھاندے بھر لوں نال پلیتی
یا میراں کی حال بندے دانجے تده سار نہ لیتی

چوراں نوں تُوں قطب بنایا میں وی چور اچکا
جس در جاواں دھکے کھاواں اک اور تکا

سُن فریاد پیراں دیا پیرا دھکا دئیں نہ مینوں
بکیساں دا والی توہیں شرم وتی رب تینوں

آپ مہارے چھپے پیاں سٹ نہ جائیں مردا
عرض کریندے لائق شاہا سخن نہ میں تھیں سردا

عرض کراں شرمندہ تھیواں کی میں کراں ککارا
منہ میرا کد عرضاں لائق ناقص عقل بے چارا

مت کوئی سخن اَن بھاناں نکلے عاجز مفت مریواں
رکھو قدم میرے سر حضرت سدا سکھالا تھیواں

بچیاں دے سر صدقے میں ول نظر کرم دی پاؤ
شاہ مقیم محمد چھپے پاک جمال دکھاؤ

میں وی جاناں اوگنہاراں لائق نہیں جمالاں
تینوں سب توفیقاں حضرت نیک کرو بدحالاں

وج نجات الانس کتابے لکھیا حضرت جامی
جیہڑے عارف کامل ہوئے جانے خلق تمامی

قدم مبارک والا مسئلہ بالتفصیل سنایا
جس جس ولی روایت کیتی اوسدا نام لکھایا

حاضر غائب سب ولیاں نے نال ارادت خاصی
سر اکھیں پر قدم ٹٹھائے جو منکر سو عاصی

وچہ حیاتی بعد مماتی فیض شہاں دا جاری
پان ارادت مند حضوروں دم دم مدد یاری

روز جمعہ دے ممبر اُتے سید عبدالقادر
اک دن خطبہ پڑھدے ہو یا حکیم الہی صادر

اے محبوب پیارے میرے نہیں کسے تھیں ڈرتوں
سب ولیاں دی گردن اُتے قدم مبارک دھرتوں

جے کوئی تیرے قدم مبارک سرگردن نہ چا سی
نقرا ایمانوں خارج ہو کے دین دُنی تھیں جا سی

تاں فرِ ہذا قدمی کلمہ حضرت بول سنایا
 ہر اک ولی ولایت والے سر نیواں کر چایا

سُخن کسے دے ہیرے موتی کوئی جو اہر لعلوں
 پک چراغ پک شمع محمد پک مانند مثالوں

عشق دیاں گلزار

عشق بہادر کسے ناں ولیا ناں بچیا کوئی لڑکے
شاہ منصور انا الحق کہنوں رہیا نہ سولی چڑھ کے

عاشق دا جو داؤد دے ، باہجھ ملاپ سجن دے
اوہ سیاناں جان ایاناں روگ نہ جانے من دے

حیدر عشق زور آور سب توں قتل کریندا اڑیاں
جے کوئی صلح کرے سو چھڈے کوئی نہ بچدا لڑیاں

جنہاں درد عشق دا ناہیں کد پھل پان دیداروں
جے رب روگ عشق دا لاوے لوڑ نہیں کوئی واروں

عاشق بن سکھا لا ناہیں ویکھاں نیوں پتنگ دے
خوشیاں نال جلن وچ آتش موتوں ذرا نہ سنگ دے

عشقے اندر صبر نہ رچدا ، سورج میل نہ لگدی
بحر سمندر کر نہیں سکدا پردہ پوشی آگ دی

زُلف اندر سے سنگل کُنڈے کر دے قیدِ دِلاں نوں
پیرِ عشق وچ پا محمد کون بچے خفقانوں

دِل مومن دا شیشہ بنیا اک دوجے دے کارن
پر بے سان عشق دی دھر کے خوب زنگار اُتارن

جے محبوب پیارا اک دن و سّے نال آساڈے
جاناں آج ہما پکھیرو پھاتا جال آساڈے

اک تگاوا عشق ترے دا دوجی بُری جدائی
دُور وسیندیا سبناں مینوں سخت مصیبت پائی

عاشق دی معشوقاں آگے چوری عرض چُپائی
باہجھ پیا تھیں بھیت سجن دا ہوراں نہیں سنائی

لمیں رات وچھوڑے والی پل جھل سکھیاں جانے
جو کوئی قید عشق دے اندر قدر اوہو کجھ جانے

عشق زور آور تے مونہہ تاناں گھوڑا باہجھ لگاموں
راہ گراہ نہ دیکھ محمد بھج دا جا مقاموں

جے توں طالب راہ عشق دا چھڈ وہماں وسواساں
ہمت دا لک بنھ محمد رکھ آساں پیا پاساں

آدمیاں دا عشق محبت قول قرار زبانی
اچرک توڑیں نال نباہو جاں جاں نویں جوانی

رحمت تھیں نا امید نہ ہوئے تے تا نہ کرے
عشق خزانہ دونہاں جہاناں جے لبتھے تاں جرے

پردہ پاڑن شرم ہگاڑن ساڑن طعنے دے کے
عاشق کارن پکڑا اڈارن مارن سوہرے پیکے

جس سر سر عشق دا او تھے شہوت مول نہ ہسدی
جس دل حُب سجن اُس وچ حُب نہیں ہر کسدی

• عاشق دا رب عشق پکاوند ا دم سکھ سہوندا
رحمت لطف کماندا آپے مڑ مڑ پیا بچوندا

عشقی دی اے رسم قدیمی جلیاں نوں اے جالے
اگلا زخم نہ مولن دیندا ہور اتوں چاء ڈالے

جنہاں عشق بندے دا لگا صبر آرام نہ تنہاں
ستے بیٹھے اُس ول ویکھن لٹ کھڑنے سن جنہاں

عشق جنہاں دے ہڈیں رچیا روون کار اناہاں
مِلدے روندے وچھڑے روندے روندے فر دے راہاں

جس دل اندر عشق نہ رچیا گتے اُس تھیں چنگے
مالک دے در راکی کر دے صابر بھکھے ننگے

بھار عشق دا کسے نہ چایا ہر ہر عذر بہانے
آکھ بلی بلا گل پائی انسانے نادانے

جس دل اندر عشق سماں اوس نہیں فرجاناں
بھاویں سوہنے ملن ہزاراں ناہیں یار وٹاناں

جھولی پا انگار محمد کوئی بچا نہ سکے
عشقاں مُشکاں تے دریاواں کون چھپائے ڈکے

جتھوں کوچ کریندے سوہنے لگیاں چھوڑ سرائیں
عاشق تائیں نظریں آون بھریاں نال بلائیں

کیہ کجھ بات عشق دی دستاں قدر نہ میرا بھائی
ایہہ دریا آگے دا وگدا جس دا لاہنگ نہ کائی

عشق مہار پھڑی ہتھ پٹی جنگل جُوہ پھراندا
نک نکیل پئی ہُن ایسی مٹاں جو فرماندا

باہجھوں اکھر عشقے والے ہور نہ سبق پڑھائی
رب اُستاد میرے نوں دیوے نیکی تے وڈیائی

چھم چھم تیر پون تلواریں عاشق نہ ڈر دے رہندے
عشق پرہیز محمد بخشا نہیں کدے رل بہندے

دُکھ ملامت عشقے اندر جیوں لکھ اندر اگے
جیوں جیوں لکھ اگ اندر پائیے بھڑک زیادہ لگے

واہ واہ بھاگ نصیب تنہاں دے یار جنہاں تے وکیا
سچے عشق عاشق دے دل نوں پا مہاراں چھلکیا

عشقوں باہجھ ایمان نہ رہندا کہن ایمان سلامت
مر کے جیوے صفت عشق دی دم دم روز قیامت

عاشق لوگ نے ایہہ فرماندے شیشہ عشق رُوحانی
ایس وچوں تک لہندے عاشق جو ورتی سرجانی

عشق قصائی چھری وگائی کوہندا دے دے لتاں
چو نہیں گٹھیں حکم او سے کس پاسے نس وتاں

خاص انسان اونہاں نوں کہیے جہناں عشق کمایا
دھڑ سر نال نہ آدم بن دا جاں جاں سر نہ پایا

عشق کہیا میں بنھ بنھ کھڑیاں مڈ تھیں بھلیاں بھلیاں
مائی بابل پٹ پٹ تھکے واہاں مول نہ چلیاں

جس نوں عشق کسے دا ہووے اُس نوں عیب نہ دسدے
سجناں دے جو عاشق ہندے عیب نہ ڈھونڈن اسدے

بعض عاشق نے ہن تک زندے دُنیا اُتے وس دے
خاصاں تائیں نظریں آون عامان بھیت نہ دس دے

موتوں سخت اڈ یک سجن دی عاشق جان سارے
ساعت سال مثال محمد باجھ وصال پیارے

دکھ تیگی سن عاشق والی پاون سکھ فراخاں
 روندے ویکھ کھلوندے ناہیں ہس ہس کرن مزاخاں

پل صراط عشق دا پینڈا سو جانے جو بڑ دا
 آس بہشت دلیری دیندا نرگ وچھوڑا کر دا

جھلن ہار ملامت والے عشقے دے متوارے
 بھکھا اونٹھ ہووے مستانہ بھار اٹھاوے بھارے

ہجر دیباں گلاں

(لے اوہ یار حوالے رب دے)

لے سجناں اَساں توڑ نبھائی جان وِتی راہ تیرے
حشر دینھاڑنے شرماں تینوں پردے کج لئیں میرے

لے اوہ یار حوالے رب دے لہی پئی جدائی
رب ملایا آن ملاں گے ہور اُمید ناں کائی

لے اوہ یار حوالے رب دے مڑ کس جگ تے آوِنا
گلاں کر کر تیریاں سجناں جھوٹھا جی پر چاؤنا

لے اوہ یار حوالے رب دے میلے چار دِناں دے
اُس دن عید مبارک ہوسی جس دن فیر ملاں گے

مان نہ کریئے رُوپ گھنے دا وارث کون حُسن دا
سدا رہون نہ شاخاں ہیویاں سدا نہ پھل چمن دا

سدا نہ بھور ہزاراں پھرسن سدا نہ وقت امن دا
 مالی حکم نہ دے محمد کیوں آج سیر کرن دا

حسن مہمان نہیں گھر باری کیہہ اُسدا فرماناں
 راتیں لٹھا آن کے ستا فجریں کوچ کر جاناں

لمتیں رات وچھوڑے والی عاشق دُکھیے بھانے
 قیمت جانن نین اَساڈے سجن قدر نہ جانے

جے ہُن دلبر نظریں آوے دھمیں صبح دھگانے
 وچھڑے یار محمد بخشنا رب کیویں آج جانے

سدا نہیں مرغابیاں بہناں سدا نہیں سرمانی
 سدا نہ ستیاں سیس گنداون سدا نہ سُرخنی لانی

لکھ ہزار بہار حُسن دی اندر خاک سمائی
 ایہہ جئی پریت لگا محمد جگ وچ رہوے کہانی

کئی بہاراں ہو ہو گئیاں ڈٹھے پت و چارے
کئی ہزاراں بھور گلاں دے کر کر گئے نظارے

جان دے کتے نہ نظریں آوے گل پھل بھور ہزاراں
دستاراں سر مٹی ہوئے سینکڑیاں سرداراں

لکھاں سرو آزاد اچیرے ہو ڈٹھے سر بھرنے
لکھ لالے رنگ لعلوں والے گالے داغ بھرنے

لکھ کروڑاں آساں تھیں چنگے خاک ہوئی اس جانی
جے جگ ہووے ناں ہووے اتھے ہے پرواہ نہ کائی

جنہاں گھراں وچ عیش کیتے سن رل کے نال پیارے
اوہ گھر خالی کیوں گھر بھاون کھاون طرفاں چارے

توں بیلی تے سب جگ بیلی ان بیلی وی بیلی
سجناں باجھ محمد بخشا سنجی پی اے حویلی

اک تگاوا عشق تیرے دا دوجی بُری جدائی
دُور وسیندیا سبناں مینوں سخت مصیبت پائی

لمی رات وچھوڑے والی پل چل سکھیاں بھانے
جو کوئی قید عشق دے اندر قدر اوہو کجھ جانے

الوداع اٹھ چلے ساتھی ٹٹی کونج اڈاروں
نت اداسی تے گرلاسی کر کر یاد قطاروں

آسے آسے عمر گزاری جھلے خار ہزاراں
مالی باغ نہ دیکھن دیندا آئیاں جدوں بہاراں

دُکھینے دی گل دُکھیا سُن دا قیمت قدر پچھانی
کیہ دُکھیا جو دُکھیا اگے دتے نہیں کہانی

جیوں دُکھئے نوں دُکھیا مل کے ہنجو بھر بھر روندا
سُکھئے تائیں تک کے سُکھیا ایسا خوش نہ ہوندا

سدا نہ شعیواں وکن بازاریں سدا نہ رونق شہراں
سدا نہ موج جوانی والی سدا نہ ندیاں نہراں

سدا نہ باغیں بلبل بولے سدا نہ باغ بہاراں
سدا نہ ماپے حسن جوانی سدا نہ صحبت یاراں

سدا نہ لاٹ چراغاں والی سدا نہ سوز پتنگاں
سدا اڈاراں نال قطاراں رہن کدوں کلنگاں

سدا نہیں ہتھ مہندی رتے سدا نہ چھنکن وزگاں
سدا نہ چھوپے پا محمد رل مل بہناں سنگاں

سدا نہ تابش سورج والی جیونکر وقت دوپہراں
بے وفائی رسم محمد سدا ایہو وچ دیہراں

شام ہوئی تے ڈیگر ویلا پنچھی وی گھر آئے
اوہ نہیں اوندے کدی محمد جہناں نوں موت لے جائے

ہائے افسوس انہاں دا جیہڑے سِکدے ملن پیارے
 سینے لاون اک ہو جاون درد بھلاون سارے

ایہہ پروانہ موت لیاندا فانی جگ تغیری
 دار بقا نوں ٹُریا سجن کر کے دیس فقیری

نیناں وچہ پئی غم غمزے غمزے کم غمازی
 کیونکر چھپی رہوے محمد بانس چڑھے دی بازی

کیوں سفر اجل دے ٹُریا عیب شتابی کر کے
 میں پھڑ پیر رکاب نہ چمٹی سر قدماں تے دھر کے

ٹُر گئے آج دلدار دلاں دے وطنوں چک مہاراں
 اُجڑی بستی نظریں آوے کنڈ دتی جدوں یاراں

درد قصائی اندر وڑیا لے کے تیز کٹاری
 ٹوٹے دل کلیجہ ہو یا میں درداں دی ماری

اک اڈیا اک پھاہی پھاتا حکمت کاری گر دے
 دن چڑھے آج پیا وچھوڑا طاقت نہیں صبر دے

اندر باہر بھانبر بلیا کتے نہ دے سر دی
 ساعت گھڑی محمد بخشا ثانی روز حشر دی

جت ول ویکھاں درد الے دھواں دھار غباری
 کتے آرام نہ نظریں آوے سڑ دی دُنیا ساری

کتھے یار کتھے رل خوشیاں کون تتی دا بلی
 خونی لہر اے شہر وسیندا دوزخ گرم حویلی

تن کولہو دل بکھرا میرا درد تساڈا تلی
 تتی تاواں لا محمد پڑی جان اکیلی

پکڑی جان عذاباں جیونکر بیلنیاں وچ گتاں
 آکھاں رہو نہ رہاں محمد صبر پیا بن بھتاں

چہرہ زرد مٹی وچ ملیا اکھیاں نیر چلائے
دلبر نوں آزار دلاں دے درداں نال سنائے

دن دن بھار بھر دا اوہدا زور تحمل گھٹیا
جے چاہے گھر توڑ پچائے راہ ناں جاندا سٹیا

جے سو پھولن غم دے پھولاں ورقاں داغ لگاواں
درد منداں دے درد نہ مکدے جے لکھ گانے گانواں

ناں کوئی آس ملن دی مُڑ کے کون آنے اس پاسے
چھوڑ گیاں نوں تروڑ پیارا کر کے کوڑ دلا سے

ولیاں دی شان تے نسبت دے شعر

ولی اللہ دے بھانڈا تک کے پاون خیر حضوروں
جیہڑا پاک غروروں خالی ، سو پڑ کر دے نوروں

چّے مرد صفائی والے جو کجھ کہن زبانوں
مولا پاک ہے مَن دا اوہو پکی خبر اسانوں

ہر مشکل دی گنجی یارو ہتھ مرداں دے آئی
مرد دُعا کرن جس ویلے مشکل رہے نہ کائی

قلم ربانی ہتھ ولی دے لکھے جو مَن بھاونے
ولیاں نوں رب طاقت بخش لکھے لیکھ مٹاؤے

مختش چناں قدر نہ میرا صاحب نوں وڈیاں
میں گلیاں دا رُوڑا گوڑا محل چڑھایا سائیاں

اوہ دلبر جو اک لکھ اُتوں گولا لے لے مینوں
دو جہان کوئی دیوے سانوں اُس دا وال نہ دیئے

پردہ پوشی کم فقر دا میں طالب فقراواں
عیب کسے دے پھول نہ سکاں ہر اک تھیں شرماواں

ہے سلطان حسن دی نگری راج سلامت تیرا
میں پردیسی ہاں فریادی عدل کریں کچھ میرا

مُدھ بن جان لباں تے آئی جھلتیا درد بھیرا
دیہہ دیدار محمد تائیں جگ تے اکو پھیرا

جنہاں دلبر پایا اوہناں نہ پرواہ کسے دی
وچ گوشے توحید انہاں دے ناہیں جا کسے دی

دُکھ سدا سُکھ گاہ بگاہاں دُکھاں تون سُکھ وارے
دُکھ قبول محمد بخشا راضی رہن پیارے

دُکھ سدا سُنکھ کدی کدائیں سُنکھاں توں دُکھ وارے
دُکھ قبول محمد بخشا راضی رہن پیارے

سدا بہار رہے اِس باغے کدی خزاں نہ آوے
ہوون فیض ہزاراں تائیں ہر بھکھا پھل کھاوے

راتیں زاری کر کر روون نیندا کھیں دے دھوندے
فجرے اوگنہار کہاون ہر تھیں نیویں ہوندے

آل نبی اولاد علی دی پیر سید گیلانی
دستگیر جنہاں دا دادا کون تنہاں دا ثانی

گتے جو درگاہ اوہدی دے شیراں اُپر بھارے
پیراں دے سر پر محمد واہ واہ پیر ہمارے

پیراں دے درباروں پاوے دائم خلق مُراداں
میںوں وی کجھ شوقِ الہی بخشو سُن فریاداں

پیر مرے دی دُھم چو فیرے آون ولی سلامی
چمن خاک کریندے خدمت دعوے کرن غلامی

جس تے تیرا سایہ پیرا اوگن دے گن اُسدے
جانی دشمن دوست نے ہندے جو دکھی جو ہسدے

رحمت نظر تِساڈی جیکر میں تے ہووے سائیاں
بخشنہارے دی کی حاجت جو کجھ عیب خطایاں

جو چاہے سو لکھے سائیاں مالک لوح قلم دا
میں مسکین حوالے تیرے تُوں ضامن ہر کم دا

سدا محمد بخش نماناں ہلیا کرم فضل دا
تکیہ پر نہ محض تِساڈا نہ کجھ راہ عمل دا

جس سر ہے دستار تِساڈی میں وی او سے در تے
خیر خیرات بیٹھا کھانواں جے کجھ چاہندا در تے

میں نکاری اوگنہاری پر تقصیر بچاری
 مان تران تساڈا حضرت شرم شاہاں نوں ساری

آتش بخش محبت والی ساڈے غیر نبولاں
 پیرا شاہ قلندر اگے ہوواں وچہ مقبولاں

ماپے تے استاد مربی میں پر حق جنہاں دے
 رحمت بخشش مہر اللہ دی ہووے حق تنہاں دے

ہووے نصیب نبی دا کلمہ دین قبول محمد
 لا اِلٰهَ اِلَّا اللّٰهُ سچ رسول محمد

عاشق کامل مرد اللہ دے خاصے لوک حضوری
 ظاہر آکھ ساندے بھائی ایہہ گل پکی بوری

چھپاں سُچھیاں گلڈاں

کنڈے سخت گلاباں والے دُوروں ویکھ نہ ڈریئے
چُبھاں چلیے خون چوایئے جھول پھلیں تہ بھریئے

ہُنڈے غرق جہاز دِلاں دے لگدا کون کنارے
پر اس دھن محمد بخشا جو ڈبے رب تارے

چار دیہاڑے عمر جوانی کر کے عیساں موجاں
سدا نیں ایہہ دولت دُنیا سدا نہ لشکر فوجاں

جس پاسے اشنائی کریئے پکا لاء یرانہ
اوڑک پوے وچھوڑا اُس تھیں کر کے کوئی بہانہ

جے کوئی چاہوے وانگ محمد سرگردان نہ ہووے
سوہنیاں دی اشنائیوں چھپ کے بیٹھے نال امن دے

عاقل تھیں بے عقل سدایا بھل گئیاں سب گتتاں
 ننگ ناموس سنبھال محمد دین سیانے متاں

ہالی لوک کریندے واہیاں سکدے دُھے سڑدے
 سارے رنج نے بھل جانداں جد من بھایاں کر کھڑدے

اکناں دی گئی کھیت کمائی چھیکڑ گڑے گوائے
 پوری پئی پریت انہاں دی مردے باز نہ آئے

جس وچ گجھی رمز نہ ہووے درد منداں دے حالوں
 بہتر چپ محمد بخشا سخن اجیہے نالوں

باغ بہاراں تے گلزاراں بن یاراں کس کاری
 یار ملے دکھ جان ہمیشہ شکر کراں لکھ واری

ناریں کچھے لگ نہ مریئے چھڈ بچہ ایہہ کھیہڑا
 سنبھل پیر نکائیے اتھے دنیا تملکن پیہڑا

کد کسے تھیں مٹ دی شاہا متھے دی لکھوائی
حق میرے وچ ایویں آہی لکھی قلم خدائی

اوّل زہد ریاضت اندر بیٹھ کنارے گل کھاں
ڈھپا مینہہ سیالے پالے سبھ سرے پر جھل کھاں

کئیں تے کنگال کینے ایہہ گل گئیں نہ بھاوے
دھی چوہڑے دی سید مسگے فر دیندا شرماوے

توڑے ہووے پیارا کوئی محرم یار وچولا
فر اغیار دتے اُس ویلے جدوں ملے خود ڈھولا

ویری دی کر ادب تواضع اپنی بھو گوائے
دُشمن تھیں ختم کھائے ناہیں لسیاں زور نہ لائے

جگت زمانہ دُکھیں بھریا روون دھوون آہیں
جے سکھ ہووے کتے ول وی تاں آدمیاں نوں ناہیں

صبر پیار زہراں والا اوّل مشکل بھارا
اوڑک نفع اجیہا کردا جیویں تریاق پیارا

ویدے دلبر ویکھن کارن بن دلبر کیوں رکھاں
جنہیں اکھیں یار نہ دستے بھٹھ پیون اوہ اکھاں

ظالم درد وچھوڑے والا نام لیاں دل کنبے
بری اڈیک جدائی نالوں لوں لوں بلن اَلبے

یار یاراں ول جان ہمکے ہوراں سنگ نہ کھڑ دے
چوراں ہار چو طرفی تک دے چھپ چھپ اندروڑ دے

بس میرا کجھ وس نہ چلدا کیہہ تْساڈا کھوناں
لےتے دا کیہ زور محمد نس جاناں یا روناں

آپو اپنے بول آوازے کوئی نہ کسے جہیا
ہکناں دا مل مہراں موتی ہکناں دھیلہ پتیا

وقت جوانی ایس جہانی پنج ست روز عمر دے
ایویں دکھاں وچ لنگھائے رو رو آہیں بھر دے

کوڑے بندے رب نہ بھاون میٹ زبان نہ رہندا
گل اوہدی کوئی من دا ناہیں سب جگ جھوٹھا کہندا

توڑے لکھ افسوس بندے نوں لگے کم وہایاں
ٹٹا لعل نہ جڑیا مُڑ کے ہرگز پچھوں تایاں

توڑے عتے بن کے رہیے وچ وطن دیاں گلیاں
درد جھڑکاں سہتے تاں وی فر پردیسوں بھلیاں

سجن بھین بھرا نہ ہوون راضی جیس بھراؤں
گھر آئے دا کرن نہ آدر کپن اوہدیاں واؤں

دوست یار کسے دا اِکدن آدر بھاء نہ ہووے
فر اوہ مُکھ دکھاندا ناہیں یاری تھیں ہتھ دھووے

دُنیا باغ پرانا بھائی نویں نویں پھل بندے
پھلن ساتھ چندے بعضے کوئی اک روز وسندے

پیوں پاڑ شگوفے کڈھے پھل ہوئے رنگ والے
مالی توڑ بازاریں سٹے بُرے وچھوڑے والے

آساں اُنہاں کد ملناں مڑ کے پئی ہمیش جدائی
روون پھل محمد بخشا رج نہ شاخ ہنڈائی

سُخن کسے دے ہیرے موتی کوئی جواہر لعلوں
اک دیوے اک شمع محمد اک چمکن وانگ مثالوں

لوئے لوئے بھر لے کڑیے جے تھدھ بھانڈا بھرناں
شام پئی بن شام محمد گھر جاندی نے ڈرناں

درو مندوں دے سُخن محمد دین گواہی حالوں
جس پئے پھل بدھے ہوون آوے باس رومالوں

نیچاں دی اشنائی کولوں فیض کسے نہیں پایا
کیکر تے انگور چڑھایا ہر گچھا زخمایا

رل سیاں پانی نوں ٹریاں کوئی کوئی مُڑسی بھر کے
جنہاں دا بھریا محمد بخشا اوہ پیر دھرن جر جر کے

سکھاں نال لگائی یاری کر کے پریت پیاری
فوج دکھاں دی بن تن آئی ماری جان وچاری

دلبر دے وچھوڑے اندر بے رہیا میں زندہ
ایس گناہوں آخر توڑی سدا رہواں شرمندہ

جو گتے تیرے درتے آئے اوہناں ذاتاں پاکاں
تینوں جس پچھاتا ناہیں سر اُسدے تے خاکاں

سائیاں والے سدا سکھالے رب دے بالن دیوے
مست اَلست شراب وصل دی ہردم رہندے کھیوے

دُنیا دی ہر مشکل تائیں دولت کرے آسانی
ڈاہڈے قفل اُتارے ایہہ وی کنجی ہے رحمانی

باہجھ ادا آواز ریلے لگدا شیر اَلوناں
دُڈھ اَندر جے کھنڈ رلائیے مِسٹھا ہندا دُوناں

حُوراں تے غلمان بہشتی چاہے خلقت ساری
تیرے باہجھ محمد مینوں ناں کوئی چیز پیاری

دُڈھ وجود تیرے وچ شیریں روغن دار سمانی
مرشد لاوے جاگ پر م دی تاں جمتیں دُڈھ پانی

گل وچ پھاغماں دا گھت کے ذکر وں چھک مدھانی
ہمت نال محمد بخشنا مکھن آیا جانی

پینگاں بوہت ہلارے چڑھیاں ٹٹ زمین تے چڑھیاں
گڑیاں فیروزہ مڑیاں پیکے سوہریاں نے جد کھڑیاں

نا امید سجن دے در تھیں نہ ہوساں نہ مُڑ ساں
 کدے تے رحم پوتے گا اُسنوں ویکھ وبال اساڈے

کالی رات ہنیری اندر جے اوہ جھاتی پائے
 دن چڑھیا لو لگی شائد ایہہ بھلاوا جائے

جاں جاں اپنے آپے اندر جاء بندے دی ہوسی
 کر کر شادی کدی ہسے گا کدی غماں وچ روسی

جاں ایہہ اپنے آپوں نکلے نہ کوئی غم نہ شادی
 دوزخ دا کم خوشی جنت دی دوہاں تھیں آزادی

ہر اک اندر دوزخ جس وچ سب ٹھوویں تے واسا
 اس دوزخ تھیں جد باہر آویں خطرہ رہے نہ ماسا

جے آج باہر آیوں ناہیں دوزخ نالے جاسی
 ہر اک سب اٹھواں ایویں روز حشر تک کھاسی

دھیاں جے سو دولت رجیاں سو بھن گھر نہ پیکے
سوہریاں ول رخصت کریئے جو سر آوے دے دے کے

کتنیں سُنیاں گلاں اندر کوڑ طوفان بتھیرے
پاؤ نوں سیر بناؤندی خلقت ابہر گھنے گھنیرے

جھوٹھے نغمے چاء اٹھاون جس وچ سچ نہ ماسہ
بیوقوف من سچ اس نوں کرن سیانے ہاسہ

سُنیاں گلاں تے کیہہ باور باجھوں علم کتابوں
جو عالم دے مونہوں سُنیاں سوئی کھری حسابوں

کیہہ ہو یا جے چہرہ ساڈا ہو گیا اے مردانواں
جس دی نیت مرداں والی سو یو مرد سچانواں

کوئی کدھرے کوئی کدھرے آوے کوئی چھے کوئی آگے
جیونکر میل دیاہوں مڑیا آپو اپنی وگے

کار کریں جو کہے کاریگر کریں ہنکار نہ کاروں
 عملاں تے دھر آس نہ ذرہ فضل منگیں سرکاروں

ہائے افسوس نہ دوس کسے تے لکھی قلم ربانی
 سبناں ہابجھ محمد بخشا زہر ہوئی زندگانی

مفت نعمت جس نوں لہجے اوہ نہ قدر پچھانے
 مرمر کے ہتھ آوے جس دے دائم قیمت جانے

مرمر اک بناون شیشہ مار وٹا اک بھن دے
 دُنیا اُتے تھوڑے رہ گئے قدر شناس سخن دے

اوکھے ویلے کاری آوے بھلیاں دی اشنائی
 اڑیا آکھن دی لُج پالن جو انسان وفائی

دُنیا تے جو کم نہ آیا اوکھے سوکھے ویلے
 اُس بے فیضی سنگی کولوں بہتر یار اکیلے

شعر میرے اس ملک اپنے وچ ممول نہ پاندے قیمت
دور دوراڈے جس نوں لبھن جانے بہت غنیمت

کیسر ستا ہے کشمیرے پچھو مل لاہوروں
پستہ تے بادام محمد ستے ملن پشوروں

کوئی کہندا پیڑ لکے دی کوئی کہندا اے چک
اصلی گل محمد بخشا وچوں گئی اے مک

ناں گھر چاہڑے ناں سکھ ڈٹھے نہ کچھ کھٹی کھٹی
نہیں کسے ول لہنا کوئی نہ چھڈ چلے تری

نہیں کھلوناں لائق تینوں نہ ٹریاں پندھ مکدا
مشکل کم پیا سر تیرے کوئی علاج نہ ڈھکدا

پکا پیر دھریں جے دھرنا تلک نہیں مت جاوے
سو اس پاسے بہے محمد جو سربازی لاوے

دُنیا اُتے جیون میرا ہرگز کسے نہ کاری
تُو مطلوبِ دلے دا ہے سیں مُدھ نہ کیتی یاری

خوش آواز ہووے جے دُکھیا سُروں ادا سہاوے
پتھر دل نوں موم کریندا جاں کوئی قصہ گاوے

دُنیا تے دل لان نہ چنگا بھٹھہ اس دی اشنائی
سب جگ چلن ہار ہمیشہ نہیں بنا ہو کائی

یاری لاون جان بچاون کرن کمال بے کرسی
اک مرے اک ہسدا اُتے اوہ جانے جد مرسی

سکلیاں ویراں بھیناں تائیں پیری کاٹھ پوائے
عیب گناہ ڈٹھے بن اکھیں ہتھیں سوئے لائے

جے مُکی گھر روٹی ہووے دُکھ دُو جے نوں لگے
ہر قیمت بدنامی دے کے چغلی مارن وگے

ویراں بھیناں تے بھر جائیاں سبھیناں دی گل بھائی
 ہو بہو وسالاں ساری ورتی جس جس جانی

دُنیا ڈاہڈی بوہتی دشمن بوہتے لوگ فسادی
 چچی دا چاکاں بناون ہتھوں کچھ زیادی

یار یاراں ول تكدے تگن ناں جر سکن طاعت
 فتنہ پاون شور مچاون گوشے کرن جماعت

بن کے ویری چاہڑ کچھری ایویں کرن خواری
 یاراں نالوں یار وچھوڑن بدیاں لان کواری

مہر محبت گئی جہانوں پیو پتر ہوئے ویری
 بھائی وانگ قصائی ہوئے مول نہ منگن خیری

یاراں یار پچھانن ناہیں کیا صورت اشنائیاں
 فتنے شور فساد خصومت انتو انتاں چائیاں

درد فراق ترے دامینوں تاپ رہوے نت چڑھیا
اوہو درد دوا اساڈی ہور نہیں کوئی اڑیا

لوڑن والا رہیا نہ خالی لوڑ کیتی جس سچی
لوڑ کریندا جو مڑ آیا لوڑ اوہدی گھن کچی

لکھ جہاز ایسے وچ ڈبے کپھڑا پار اتر دا
ایسی ندی دیاں موجاں تک کے دل دلیراں بھر دا

دانش منداں دا کم ناہیں دُنیا تے دل لاؤنا
اس ووہٹی لکھ خاوند کیتے جو کیتا سو کھانا

جس چھڈی اے بچے کھانی سو یو سگھڑ سیانا
ایسی ڈائن نال محمد کاہنوں عقد بنانا

جے اک وال تیرے وچ میاں اپنی آپ خودی دا
تاں وی بوہت نرگ نوں بالن اکے عیب بدی دا

بابے نانک بانی اندر بات کہی یک رنگی
 وس ہونا مُڑ جاندا ناہیں ، ریت سجن دی چنگی

تاج تخت سلطانی تج کے ٹھوٹھا پھرن گدائی
 رکھ اُمید سجن دے در دی کٹن جو بن آئی

کر کر یاد سجن نوں کھاندے بھن بھن جگر نوالے
 شربت وانگ پیارے ہتھوں پیون زہر پیالے

فیر خلاصی منگدے ناہیں جو قیدی دلبر دے
 پھاہی تھیں گل کڈھ دے ناہیں ہوئے شکار اس گھر دے

باروں دسّں میلے کالے اندر آب حیاتی
 ہونٹ سکے ترہایاں والا جان ندی وچ نہاتی

شرم حیاء نہ رہے کسے دا جھلن بدی نہ خواری
 دلبر باجھوں صبر نہ کردے جنہاں لائی یاری

جے اوہ جان پیاری منگے فٹ تلی تے دھر دے
سر لوڑے تاں سہل پہچانن رتی عذر نہ کر دے

وچوں آتش باہروں خاگی دس دے حالوں خستوں
جے اک نعرہ کرن محمد ڈھین پہاڑ شکستوں

ایویں کیویں ممول نہ جانوں نت دا پھر آسمانی
چڑھدے تارے تے مرہ لہندے دائم سرگردانی

کھیڈ تماشے کارن ناہیں ویلے تنبو تانے
اک دھاگا بیکار نہ اُسدا کون حکمت گھر جانے

حُسن محبت سب ذاتاں دی اچی ذات نیاری
نہ ایہہ آبی نہ ایہہ خاکی نہ ٹوری نہ ناری

حُسن محبت ذات الہی کیا شاہ کیا چھیاری
عشق بے شرم محمد بخشا پچھ نہ لاندایاری

چنس کو چنس محبت میلے نیئیں سیانپ کردی
سورج نال لگائی یاری کت گن نیلو فر دی

چن چکوراں دی کی یاری تک تک ہوندے دل خوش
شمع پتنگاں دی کی نسبت اوہ کیڑے اور آتش

بلبل نال گلے اشنائی خاروں مول نہ ڈر دی
چنس کو چنس محمد کتھے عاشق تے ولبر دی

آپوں چنگا جے کوئی ہووے ہر نون بھلا تکیندا
آپ محمد کون مٹاوے لکھیا لوح قلم دا

کدے سیانا کریں سودائی دے کے مست پیالہ
کدے جھلے نون شربت دے کے تر ت کریں سُدھ والا

جاں ولبر دی زُلفے اندر ماریں گنڈھ حسن دی
خفتانی دی سنگل اندر پین سیانے بندی

سنگ دے ساتھی لتھی جان دے اساں بھی ساتھ لدا ناں
ہتھ آوے نہ فیر محمد جاں ایہہ وقت وہا ناں

دم دم پین شراب غماں دی دم نہ مارن موالے
وٹ جھلن وٹ پان نہ متھے واہ تنہا ندے روالے

مٹھا نشہ شراباں والا پروچ تروٹک پھکی
بلبل نوں خوش صحبت گل دی بری کندے دی دکی

حال انہاں دا کس نوں معلم پھر دے آپ چھپایا
دل وچ سوز پنتگاں والا چہرہ شمع بنایا

ایسا صدق لیاون اُس تے سچے نال دھیانے
اُس بن باغ بازار نہ بھاون لاون اگ جہانے

چاندی پیر تکی جد چاندی چاندی جان پچاندی
قد میں ڈھیندی عرضاں کہندی سجدیوں سیس نہ چاندی

اکھیں تیز کٹاراں وانگر کرن چوٹرنی ماراں
اکھ منکے چور اچکے چھپ چھپ کردے واراں

لوہا مقناطیسے تائیں اٹھ ملدا کر دھائی
ہیرے موتی ویکھ نہ اٹھدا قیمت لکھ سوائی

جوگل گنتی وچ نہ آوے کاہنوں قلم گھسانی
مدت ہوئی محمد کشا چھوٹی دس کہانی

جہڑے ساک نہ وئے اگے اج کوئی کد کردا
قوموں باہر نہ ناٹھ دیندا خواہ ہووے کوئی مرادا

رات دنے جو ہجر سخن وچ رہن ہمیشہ سڑ دے
راتوں دن پچھانن ناہیں ناں لیندے ناں چڑھ دے

ماں دمی شان

جو گجھ لاڈ پیار مانواں دا کیہ کجھ آکھ سناواں
 جے اَنج ماں ہندی تے روندی کیہ پرواہ بھراواں

جے اَنج مائی بابل میرے دُنیا اُتے ہندے
 خستہ حالی ویکھ پتر دی سٹکھ نہ سوندے روندے

ترے کر کر لدھے آہے خوشیاں کر کر پالے
 ہائے ہائے اَنج ناہیں تکرے ماپے جننے والے

مانواں والی مہر محبت جے تُوں اَنج نہ کر سیں
 میں مر جاساں نال افسوساں رو رو آہیں بھر سیں

جے لگ جان جُٹے وچہ میرے ایہہ اُمیداں آساں
 قدم تیرے پر صدقے کر ساں پکا عشق کما ساں

حضرت پاک نبی فرمایا جو نبیاں دا سرور
صلی اللہ علیہ وسلم نالے آل اوہدی پر

جس قضائے ہوناں ہووے لکھی روز ازل دی
جے سو ہون دُعائیں والے کسے طرح نہیں ٹل دی

پر جے ماپے راضی ہو کے کرن دُعائیں دل تھیں
فرزندے توں ٹلن بلائیں بچ نکلے مشکل تھیں

ماں اولاد دے حق دے اندر کر دی نت دُعواواں
جس پر ماپے راضی ہوون اوہدیاں دُور بلاواں

کرے عبادت رب سچے دی زاری کر کر رووے
بیٹے کارن وچہ درگاہے نت سوالی ہووے

ربا پُت میرے نوں رکھیں اپنی وچہ امانے
نال مراد دے دے آنی پھیرا ساڈے خانے

جیکر نیک اولاد ہووے گی رب وٹوں پھل پاسی
جے بد بخت ہو یا تاں کاہنوں ماں اُس دا غم کھاسی

کرے عبادت رب سچے دی زاری کر کر رووے
بیٹے کارن وچہ درگا ہے نت سوالی ہووے

منقبت

اولادِ رسول جگر گوشہ بتول

حضرت پیر سید بہاول شیر قلندر رحمۃ اللہ علیہ (حجرہ شاہ مقیم)

حضرت میراں شاہ مقیمان تیرا شان زیادہ
سوہنا سخی جہدے گھر جایا علی امیر شہزادہ

نوری ملک کریندے چوری حوراں منگل گایا
بالا پیر لکھاں دا داتا دھن مائی جس جایا

عالم تے روشنائی ہوئی چڑھیا چن نورانی
حسنی سید پیدا ہويا صورت یوسف ثانی

حجرے اندر کہریاں پہیراں دینی ڈنکے مارن
لعل بہاول شیر قلندر دم دم نال پکارن

طوطے مینا خمرے بولن دھن مقیم محمد
گودی وچ کھڈاوی جس نوں نبی کریم محمد

جس نوں ویکھ سوا لکھ ہو یا عارف اہل ولایت
 کس نوں طاقت آکھ سناوے اُسدے قُرب نہایت

آل نبی اولاد علی دی واہ سید گیلانی
 دستگیر جنہاں دا دادا کون تنہاں دا ثانی

مٹے جو درگاہ اُہدی دے شیراں اُوپر بھارے
 پیراں دے سر پیر محمد واہ وا پیر ہمارے

پیراں دے درباروں پاوے دائم خلق مُراداں
 مینوں وی کجھ شوق الہی بخشو سُن فریاداں

دَمڑی والا لعل تُساڈا جس دی ہے منظوری
 پاک جناب اُنہاں دی اندر مینوں کرو حضوری

منقبت اولادِ رسول جگر گوشہ بتول

حضرت پیرے شاہ غازی رحمۃ اللہ علیہ

بِسْمِ اللّٰهِ بِسْمِ اللّٰهِ اَکُوں مدح مبارک آئی
ہادی مُرشد دی جس دے چارے گوٹ نوائی

مسلم ہندو کوئی نہ برسیوے سب لوکائی
داتا سخی محمد بخشا دن دن دیگ سوائی

عاجز نزدھن اُس دے درتے لکھ نعمت کھاندے
ہک دمڑی داتھفہ لے کے دیندا دان لکھاں دے

شاہ سلطان انہاں دے بُوہے عاجز بن دکھاندے
عاجز اُس دے شاہ سداون اُس دامال رکھاندے

بادشہاں دا پیر کہاوے پیراں شاہ کر جاتا
پیرا شاہ قلندر غازی نت سوا لکھ داتا

زندہ پیر کرامت ظاہر فیض ہمیشہ جاری
باغ نبی دا گل عجائب کھڑیا سدا بہاری

کھلے موتی

ہور کسے کچھ عمل ہووے گا بد عملی ہتھ میرے
ہے مسکین نواز خدایا کرم نیارے تیرے

جگ توں باہرے پاپ کمائے لائے فقر دے جامے
توں سچا میں جھوٹھا رہا کیا لیکھا کیا نامے

فضل کریں تاں ڈھونڈ سیاں عدلوں ناں چھٹکارے
کرم تیرے دی لکھی اتے پاپ کمائے بھارے

جو کیتا سو بھلیاں کیتا سر پر میں تقصیری
بدبختاں دے کم کمائے کر کے بھیس فقیری

توں سب عیب چھپائی رکھے پردہ مول نہ چاہیا
عزت رزق بدن وچ میرے کچھ نقصان نہ پایا

نعمت بہت دتی مُدھ اتھے باہر لطف حسابوں
اوسے لُطف ہلایا مینوں لگی آس جنابوں

جس گھر منگتے آدر ہووے بہوں اُتھائیں آوے
جاں لاچار پوے کوئی اُس توں فیراوسے دردھاوے

میرا بھی مُدھ آدر کیتا دتے دان گھنیرے
اگوں وی ہر اوکھے ویلے آس رکھاں در تیرے

عملاں والے لنگھ لنگھ جاندے کون چڑھاوے مینوں
پار چڑھا جے رحمت تیری ہتھ پھڑاوسے مینوں

ہکناں عشق پیالے پیتے ہکناں زہد عبادت
ہکناں کھوہ تلاب مسیتاں ہکناں دان سخاوت

میں عیباں وچ غم کھڑائی کر کر کاغذ کالے
فیر امید نہ توڑی رہا ویکھ کرم دے چالے

ہر اک دی میں آس تروڑی جو آساں کر آیا
فر وی اُس تیرے در مینوں ہرگز نہ شرمایا

رحمت تھیں نا اُمید نہ ہوسیاں نال گناہاں بھریا
بُریائیاں دی حد نہ رکھی بھلا نہیں گجھ سریا

نسن چھپن کتے نہ ہندا سر منہ آگے دھریا
قہر کریں تے کوئی نیئیں چارا رحم کریں تاں تریا

اَن ہلیاں نُوں مُدھ ہلایا دے دے وافر چیزاں
نام حبیب سچے دے پچھے رکھیں وانگ عزیزاں

قدر اپنے تھیں باہری منگی گل وڈی منہ زکا
گین گین بہت سناواں کاہنوں لکھاں دی ایہہ اِکا

آتش بخش محبت والی ساڑے غیر بنیولاں
پیرے شاہ قلندر آگے ہوواں اندر مقبولاں

کی کھٹیا کی وٹیا آگے ناں کچھ ہتھ ناں پلے
 بوہا منگ کریم سچے دا رکھ جھولی کجھ گھلے

ہور کسے کچھ عمل ہووے گا بد عملی ہتھ میرے
 ہیں مسکین نواز خدایا کرم نیارے تیرے

جگ توں باہر پاپ کمائے لا فقر دے جامے
 تُوں سچا میں جھوٹھا ربا کیا لیکھا کیا نامے

جو کیتا سو بھلیاں کیتا سر پر میں تقصیری
 بدبختاں دے کم کمائے کر کے دیس فقیری

توں سب عیب چھپائی رکھے پردہ مول نہ چایا
 عزت رزق بدن وچہ میرے کجھ نقصان نہ پایا

ناں اشنائی نال ملاحاں پلے نہیں مزدوری
 کون لنگھائے پار بندے نوں جاناں کم ضروری

ایہناں گلاں تھیں ہے کی لبھدا عیب کسے دا کرناں
اپنا آپ سنبھال محمد جو کرناں سو بھرناں

ایہہ کی سخت زمانہ آیا ہائے ہائے وے آسماناں
قدر بقدری موجاں مانے ہر کوئی وچہ جہاناں

لے اُتے زور لگاؤن کم نہ زور آور دا
مویاں ہویاں ٹوں پھر کی ماریں بے انصافا مردا

کس مذہب وچ جائز آیا بھجن قول اقراروں
اَوْفُوْ بِعَهْدِيْ پڑھئے مکھ نہ موڑیں پاروں

مکالمہ عقل سے نفس

نفس کہے میں کالا ہو یا کچرک توڑی جرساں
لکہ مصیبت جھاگ نہ ملیا آج ملے بن مرساں

عقل کہے کیوں کملا ہو یا عشقے رنج نہ لائیں
اتنی سختی آگے جھلیا کوئی دن ہور لنگھائیں

نفس کہے ہن کتھوں ملسی نہ کوئی دس سنیہا
آس ہندی دس پوندی جس دی ایویں جرن کو یہا

عقل کہے ایہہ کم عاشق دا عشقوں بس نہ کرنی
لا کے بازی بے اندازی اوڑک وار نہ ہرنی

نفس کہے ایہہ ہارن کیہا میں مڑ مصر نہ چلیا
راہ سجن دے اندر مر کے بہتر خاکوں رلیا

عقل کہے کھاتی مرناں کم ہندا شیطانی
بھار لگا تاں پنڈ اتاری نہیں عشق دی بانی

نفس کہے فرہادے لایا آپ سرے ٹوں تیشا
اوہ مویا مردود نہ ہویا میں وہ اوہ اندیشہ

عقل کہے فرہادے سُنیا شیریں گئی جہانوں
اوس جہان گیا سی ڈھونڈن مویا نہیں اک جانوں

نفس کہے کیوں مہینوالے ماری چھال جھناویں
مارو کانگ ڈٹھی سی سوہنی کیوں پئی دریاںویں

عقل کہے ٹوں سمجھیں ناہیں اوہ مرنا کت پاسے
دوویں اک دو بے ول ٹھلے گل ملن دی آسے

جے ایہہ مرنا جائز ہندا تاں مجنوں کیوں روندنا
تریہہ ورھے کیوں سڑ دا رہندا مر سکھالا ہندا

جس دن ہیر ویاہی کھیڑے رانجھا وی مر جاندا
 کاہنوں کن پڑواندا ٹلے گل کفنی کیوں پاندا

ویکھ زُلیخا کتنی واری دُکھاں پئی اَکائی
 موہرہ کھا نہ موئی تائیوں ہر عاشق دی مائی

ہور ہزاراں عاشق ہوئے دُکھئے تے لاچاری
 یارِ ملے بن درووں اَک کے پیٹ چھری کس ماری

مرداں والا دا یاد رکھ کھاں ناں چھڈ پچھلی عادت
 وانگ کسی جے تے موویوں تاں وی عین شہادت

نفس عقل دی تابع ہندا جو کہندا سو من دا
 لگے پنڈ مقدم موچی ساڈے اُتے بن دا

جے کر شرح کراں اس گل دی دُور سُخن ٹر جاندا
 کر کے صبر محمد بخشا قصہ چل سناندا

رُبا عیاں

اوّل حمد ثناءِ اِلٰہِ والی

اوّل حمد ثناءِ اِلٰہِ والی فیر آکھ درود رسول اُتے
 فیر آل اُتے اولاد اوہدی ہر یار اوہدے مقبول اُتے
 نالے پاک امامِ حسن اُتے فیر کربلا دے مقتول اُتے
 لکھ خطِ محمدآ ہیر دا جیو
 رکھ آرزو خاص وصول اُتے

اوہو نام اُتار دا بھار میرے

رب رکھیاں پاک امانتاں نی رکھیں فکر نہ ایس دا یار میرے
 تیرے فکر تھیں بہت لاچار ہو یاں برس برس ہے لیل نہار میرے
 اندر پئی اکلڑی گلنی آں میں سیاں سنگ ناہیں راز دار میرے
 آوے ہوش محمد نام لیواں
 اوہو نام اُتار دا بھار میرے

تیرے نام خیال تھیں باہجھ کوئی

تیرے نام خیال تھیں باہجھ کوئی رہی یاد نہ آس مُراد مینوں
 دتے سبق نی جیس نے وحدتے دے ملیا غم ہزار اُستاد مینوں
 تیرے سنگ تھیں سنگ نی بھل گئے مائی باپ ناہیں سیاں یار مینوں

اندر باہر محمد آ درد تیرا

کپھڑا باہجھ تیرے کرے شاد مینوں

تیرے ملن دی آس تے جیونی ہاں

تیرے ملن دی آس تے جیونی ہاں نہیں جیونے دا کوئی رنگ ناہیں
 پکی فضل دی آس نراس تائیں ہور ملن داوی کوئی ڈھنگ ناہیں
 گھلاں کیس نوں پاس تساڈڑے جیو کوئی سنگ ایسا یک رنگ ناہیں

تیری جوت تے موت محمدے دی

موئے باہجھ حیات پتنگ ناہیں

مکھ دس مینوں جیویں بھاوناں ایں

چائی دکھ کھاری پنڈ سکھ ساری مکھ دس مینوں جیویں بھاوناں ایں
 ہن غم تھیں دم نی تم ہندے جتھے آپ قدم ناں پاوناں ایں
 دُوروں ویکھ کے جیوڑا سکھ پاوے اَنگ تتری نوں نہیں لاوناں ایں
 گھل باس محمد اساس اَنگن
 جیوندے پاس نہیں اَبے آوناں ایں

تیرے ملن باجھوں کھلے صدرناہیں

چھ طرف وتوں راہ بند ہوئے تیرے ملن باجھوں کھلے صدرناہیں
 اکھیں سکدیاں نی راہ ویکھنے ٹوں راہ تکنے دا میرا قدرناہیں
 گھر اپنے بیٹھ کے کرن گلاں کیہڑا شخص لاند تیری بدرناہیں
 آویں حال سنبھال محمدآ جیو
 کریں کالیاں واٹرا غدرناہیں

تیری بندی آں میں تیری بندی آں میں

نہیں وہم خیال برابری دا تیری بندی آں میں تیری بندی آں میں
 مردی اپنی دارکھ شرم بلی سٹ پاناہیں توڑے مندی آں میں
 کدے مکدے ناں احسان تیرے شرمندی آں میں شرمندی آں میں
 رکھ نال محمد آ گولڑی نوں
 چاہیا رب ناں توڑ ساں تندیاں میں

ہُن آ پیار یا ہاری آں میں

ہُن آ پیار یا ہاری آں میں سڑی رت تے بھلیا گھت ساری
 نیند بھکھ گئے سب سکھ گئے تیرے دکھ نے ماری آمت ساری
 سیاں طعنیاں نال اڈاندیاں نی کھیڑے سنگ نہ وسدی وت پیاری
 رانجھا یار محمد آ ہیر نوں جی
 نہیں توڑ دی ہے جت ست کواری

جُگ جُگ جیوے اُستاد جانی

یاراں باہجھ ناں جینواں بھاوند اے نہیں مرن والا کجھ صاد جانی
 یاراں پاس ہوئے جندسونپ دیئے کدی جان تائیں کرے شاد جانی
 ملے یار تاں جان نثار ہوئے نہیں تاں عمر گئی برباد جانی

جیس عشق دا سبق پڑھایا اے

جُگ جُگ جیوے اُستاد جانی

آیا وقت جاں نیک حساب اندر

اوّل پیر فقیر نوں سور یو نی ساڈا شرم رہے اس باب اندر
 ہووے پاک جمال پیاریاں دا جیہڑے لبھدے نہیں ہُن خواب اندر
 بدھے لک نی دوہاں نے ہمتاں دے جدوں نکلی فعال کتاب اندر

پیغام محمدؐ گھلیونے

آیا وقت جاں نیک حساب اندر

اُستاد باہجھوں ناہیں کسب آوے

اُستاد باہجھوں ناہیں کسب آوے پھڑاں پیر اُستاد کمال کوئی
 ہتھوں اوس دیوں فقر لباس پہناں ہووے جھوٹ ناہیں میرا حال کوئی
 دتے فقر دی رمز یا فن منتر جادو سحر سبب وصال کوئی

ہوروں ہور محمدآ کر ملناں

دتے یار دا حُسن و جمال کوئی

صحبت پیر دی باہجھ تاثیر ناہیں

پھڑے پیر دے باہجھ جو پہن جلی جلی مار کے آپ فقیر ہويا
 صحبت پیر دی باہجھ تاثیر ناہیں توڑے پہن اَلفی بڑا پیر ہويا
 گلاں سکھ سکھا کے کر لیاں تزویر کولوں تصویر ہويا

رتا دیہہ پناہ محمدے ٹوں

بھلا اس تھیں پُر تقصیر ہويا

پانواں پیر کوئی جیہڑا یار میلے

پانواں پیر کوئی جیہڑا یار میلے کرے نظر مہم اٹھا دیوے
 پکے منتران جنتران جادواں تھیں میرا کام تمام بنا دیوے
 سچ آکھیا سچیاں جو ڈھونڈے وچہ ڈھونڈ دے آپ گوادے یوے

مقصود محمدآ پاوندا اے

جیہڑا قصد نوں توڑ پچا دیوے

چوداں طبق دسن وچہ پیر دے جیوں

نقش پیر دا ویکھ کے محو ہو یا رچے پنج حواس اندر
 چوداں طبق دسن وچہ پیر دے جیوں سبھ جن ملک سی ناس اندر
 ہستی اپنی چھوڑ اساس مارے آوے جگر دی بو اساس اندر

سدھا الف محمدآ ہو گھلا

چھڈ لکھ آکھ دی آس اندر

ڈٹھا پیر نے دُرِّ یتیم را نجھا

ڈٹھا پیر نے دُرِّ یتیم را نجھا قابل خیر دے استعداد والا
 وِج عشق دے شہر دے ہے خسرو چایا کم سو آپ فرہاد والا
 کیتی نظرتے دھوتیاں اوہ چیزاں جہناں وِج سے رَلا فساد والا

بھانڈا مانج محمدآ صاف کیتا

آیا وقت مُراد ارشاد والا

ہتھ آیا عشق دا گنج تینوں

مہربان ہو یا پیر پچھدا اے بچہ دس کھاں کی ہے رنج تینوں
 غم ناک تے جگر ہلاک دِستیں کوئی یاد ناہیں شش پنج تینوں
 پرواہ ناہیں تینوں غیر دی جیوں ہتھ آیا عشق دا گنج تینوں

آنسو بند محمدآ نہیں تیرے

توڑے لنگھ جانوں صبح سنج تینوں

احسان کریں میرے نال پیرا

منتر جوگ دا سکھناں بھوگ مینوں جگ روک تھیں باہر نکال پیرا
 دس اپنا علم تے ٹھیل مینوں احسان کریں میرے نال پیرا
 سب دیس تے ویس میں چھوڑ آیاں بھلا وطن تے جھنگ سیال پیرا

ہستی اپنی چھوڑ محمدآ جیوں

تیرے پاس ہوواں پائمال پیرا

آیا منزلاں ماردا پاس تیرے

آیا منزلاں ماردا پاس تیرے ہن باجھ مراد تھیں جاوناں کی
 دتا چھوڑ تمام تعلقاں ٹوں فیر فکر اوہدا دل پاوناں کی
 جاں جاں جیوساں تھیوساں نفرتیرا تیری طرف تھیں مٹھ ہٹاوناں کی

جھاڑو پھیر محمدآ مرا تیرا

گھر بار تے چت لگاوناں کی

لڑی جوگیاں دی وچ سجیا میں

سے بہن بھائی گھر بار وطن سب کجھ جہان دا تجیا میں
 خاندان تیرا دان چاہیا سی تاہیں در تیرے آ وجیا میں
 کیجے ایہہ طریق قبول دلوں لڑی جوگیاں دی وچ سجیا میں
 خالی ہو محمدآ آپ تھیں جو
 ہو ناد اگے تیرے وجیا میں

ہویا یار غریب اکیلیاں دا

گولا ہور ہساں تیرے گولیاں دا چلاں چال چلن تیرے چیلیاں دا
 ریس راس ناہیں کسے نال میری نفر ہور ہاں البیلیاں دا
 ہے یار دے باہجھ نہ چاہ کوئی غماں شادیاں مندر اں میلیاں دا
 رکھ ہتھ محمدآ سے میرے
 ہویا یار غریب اکیلیاں دا

جنہاں عشق را کھا ہو یا جان اُتے

پڑی اوہ فقیر نے آپ ڈٹھی اُجے خون دا ہے نشان اُتے
 کوئی چھاں نہ چھپری ہو اوہلا ٹکی وکھرے اک مکان اُتے
 برکت عشق دے نال نشان قائم ہو یاں بارشاں کئی جہان اُتے

ایویں نیں محمدا خاک ہندا

جنہاں عشق را کھا ہو یا جان اُتے

نفی غیر دی جد تمام ہوسی

نفی غیر دی جد تمام ہوسی نفی اپنی دا پھڑ کم بیلی
 نفی غیر ارادتاں خواہشاں دی بشرتیاں دے اٹھن غم بیلی
 کم ربدے وچ فنا ہوویں سب کم ہوون تدم بیلی

سب ہون محمدا اوس پاسوں

کوئی مدح کہے کوئی ذم بیلی

جیہڑا جان دا ویکھ دا حال تیرا

حاضر رکھ اَلکھ نوں ہر ویلے جیہڑا جان دا ویکھ دا حال تیرا
 تسلیم ہوئے جند جان جُتہ رہے باہر ناہیں اک وال تیرا
 مُردے وانگ بنے مرد ہتھ اوہدے ہووے آپ اوہو غستال تیرا

جاوے دوستی دُشمنی بغض کینہ

فدا ہو جائے سب مال تیرا

گڑیاں سوہنیاں تھیں نستیں دُور بلی

کوئی حرص ہواتے آرزوی جیوں مدح ذم ناہیں کوئی یاد ہووے
 لویں لذتاں نال ایہناں صحبتاں تھیں صحبت نار دی نار فساد ہووے
 گڑیاں سوہنیاں تھیں نستیں دُور بلی ایس کم تھیں عُمر برباد ہووے

وڈی ماں جانی نکئی بھین سمجھیں

چیتے وچ ناں ہور سواد ہووے

سڑی رت پییاں بے سوادیاں نی

بربادیاں نامرادیاں جیوں چھڈے شادیاں ہور آزادیاں نی
 ساک اَنگ بھلے راگ رنگ بھلے نام ننگ بھلے دامادیاں نی
 ماری مت تے پت تے گت بھلی سڑی رت پییاں بے سوادیاں نی
 ہتھوں کھس ڈوراں لیاں درد ہوراں
 سوراں نت پیراں بُغدادیاں نی

اس درد دا ہور دوانا ہیں

مدہوش پھراں اتے خوشی اندر رہی حرص ہوا دی وا ناہیں
 خاندانیاں ہور جوانیاں تے کامرانیاں دا رہیا چا ناہیں
 سر پگ ناہیں پیریں نہیں جوڑا گویا یاد مینوں سروپا ناہیں
 ڈہٹھا آ محمدآ در تیرے
 اس درد دا ہور دوا ناہیں

ڈگیا آن میں ایس جناب اندر

نام رب دا اے سنی عرض میری دستگیر ہوویں ایس باب اندر
 سب مان تران توڑ کے جیوں ڈگیا آن میں ایس جناب اندر
 کجھ عیب تے غیب تھیں کھول بُوہا کر کرم نہ رکھ عتاب اندر
 تیری طرف تھیں سب فنا ہوون
 جیہڑے عیب نہ مٹن حساب اندر

ایویں رائیگاں عمر گوانا ہیں

موتی لعل تے ایہہ انفاس ہیرے ایویں رائیگاں عمر گوانا ہیں
 ایہہ عمر عزیز جے مُفت گئی تلیاں ملدیاں ہتھ گھسا ناہیں
 ایہہ گڈیا وہڈیا کھیت سارا برباد ہوا اڑا ناہیں
 لنگھے وقت محمدؐ لہدے ناں
 بناں رب دی یاد لنگھا ناہیں

کریا د خدائے نون و یلڑا ای

پچھوں تاوسیں گا ایس ویلڑے نون کریا د خدائے نون و یلڑا ای
 پچھے لگ ناں صورتاں سوہنیاں دے ایتھوں جاوناں آنت اکیلڑا ای
 لا چت بیٹا وچ معنیاں دے چھڈ صورتاں دا وا ویلڑا ای

سُن مت محمدآ پیر دی جیو
 کوئی یاد کرے ہو یا چیلڑا ای

کٹے غم ناہیں دل شاد ہو یا

فرہاد دانا تے ذات اچی شیریں یاد کیتا برباد ہو یا
 کڈھے نہر تے حوض پہاڑ کٹے کٹے غم ناہیں دل شاد ہو یا
 یوسف مصر نون ویکھیا خواب بی بی رہناں مغربے سخت بیدا ہو یا
 وچ مصر دے کٹیاں سختیاں نی
 کدوں ایہہ حساب ہے یاد ہو یا

ربا میں یتیم غریب عاصی

ربا میں یتیم غریب عاصی مسکین اَسیر ہوئی دے نُوں
 سُست رہیا عبادتوں بہت غافل مشغول گناہ خطائی دے نُوں
 محض اپنے فضل تے رحم کولوں بھلاں بخشدے محور جانی دے نُوں
 مہربان محمدآ کر میں تے
 غازی پیر شاہ مرد خدائی دے نُوں

نون نفس ہے اونٹھ تے بار دُنیا

نون نفس ہے اونٹھ تے بار دُنیا ہریاں رکھنی پت تے خار والے
 ایہناں لذتاں وچہ نہیں بھل گئے چیتے اوہ اَلست دے بھار والے
 شیطان بریڈڑا مگر ہو یا پئے یاد تاں سنگ قطار والے
 ہن اڑی نکیل محمدآ جیو
 جھب پہنچنا ملک مہار والے

دو ہرے

غم بوہتے غمخوار نہ کوئی

غم بوہتے غمخوار نہ کوئی گین گین دستاں کہنوں
 جس دے پچھے جرم گوا یا مکھ نہ دسیوس مینوں
 جو کجھ باپ مرے دکھ کر دے کی ہے خبر کسے نوں
 سو یو جانے قدر محمد تن من لگ دی جہنوں

دلبر مکھ وکھاندا ناہیں

ڈٹھے باہجھ پریت لگائی ہو گیا جس ہوناں
 ہسن کھیڈن یاد نہ مینوں پیا عمر دا روناں
 دلبر مکھ وکھاندا ناہیں داغ مرا کس دھوناں
 سجن دا در چھوڑ محمد کس در جا کھلوناں

اپنے آپ لگائی یاری

اپنے آپ لگائی یاری یار کہاں دلبرِ نونوں
 بے پرواہ تر مال گنیندا ایس اساڈی زرنونوں
 سورج دی اشنائیوں کی کچھ لہھیا نیلو فر نونوں
 اڈ اڈ موئے چکور محمد سار نہ یار قمر نونوں

راہِ تکانِ ہر ویلے

شاہِ پری دی چاہ میرے دل راہِ تکانِ ہر ویلے
 مت رب سچا مہریں آوے آن میرے سنگِ میلے
 پا شطرنجِ محبت والا سر سر بازی کھیلے
 ویکھ دیدار محمد سر دھڑ وار دیئے اُس ویلے

جان تیرے توں واری

آسجناں منہ دس کداکئیں جان تیرے توں واری
 تُوں ہیں جان ایمان دِلے دامتدھ بن میں کس کاری
 حُوراں تے غِلمان بہشتی چاہے خلقت ساری
 تیرے باہجھ محمد مینوں ناں کوئی چیز پیاری

دم دم جان لباں پر آوے

دم دم جان لباں پر آوے چھوڑ حویلی تن دی
 کھلی اڈیکے مت ہُن آوے کدھروں واسجن دی
 آویں آویں چر نہ لاویں دِسے جہات حُسن دی
 آئے بھور محمد بخشا کر کے آس چمن دی

لحمی رات وچھوڑے والی

لحمی رات وچھوڑے والی عاشق دُکھئے بھانے
 قیمت جانن نین اَساڈے سَکھیا قدر نہ جانے
 جے ہُن دلبر نظریں آوے دھمی صبح دھگانے
 وچھڑے یار محمد بخشا رب کیویں اَنج آنے

میں فریادی تمیں در آیا

اے محبوب مرے مطلوبہا تُوں سردار کہایا
 میں فریادی تمیں در آیا درد فراق ستایا
 پک دیدار ترے تُوں سِکدا روح لبان پر آیا
 آمل یار محمد تا میں جاندا ای وقت وہایا

اک نگاہ عشق تیرے دا

اک نگاہ عشق تیرے دا دُوجی بُری جدائی
 دُور وسیندیا سجناں مینوں سخت مصیبت پائی
 وس نہیں ہُن رہیا جیوڑا درداں ہوش بھلائی
 ہتھوں چھٹی دُور محمد گڈی وا اڈائی

اوہو درد دوا آساڈا

درد فراق تیرے دا مینوں تاپ رہوے نت چڑھیا
 اوہو درد دوا آساڈا ہور نہیں کوئی اڑیا
 منجی نامرادی والی جس دن دا میں چڑھیا
 شربت تیرا نام محمد پیتا جان جی سڑیا

گل میرے ہتھ تیرے سجناں

گل میرے ہتھ تیرے سجناں اچّا ساہ نہ بھرنا
 جو کجھ چاہیں سو یو چنگا جو آکھیں سو کرنا
 ناں صلاح ایہہ اپنی کوئی نہ کوئی تکیہ بھرنا
 دین عشق دے کفر محمد آپے نوں چت دھرنا

سدانہ رُوپ گلاباں اُتے

سدانہ رُوپ گلاباں اُتے سدانہ باغ بہاراں
 سدانہ بھیج بھیج پھیرے کرسن طوطے بھور ہزاراں
 چار دیہاڑے حُسن جوانی مان کیہا دلداراں
 سِکدے اَسیں محمد بخشنا کیوں پرواہ نہ یاراں

دردِ دلے دے سارا

رہا کس نون پھول سناواں دردِ دلے دے سارا
 کون ہووے اَنج سا تھی میرا دکھ ونڈا ون ہارا
 جس دے نال محبت لائی چا لیا غمخوارا
 سوہنا دس دا نہیں محمد کی میرا ہن چارا

سدا رہواں شرمندہ

دلبر دے وچھوڑے اندر بے رہیا میں زندہ
 ایس گناہوں آخر توڑی سدا رہواں شرمندہ
 چا میری پئی چا محمد گل میری گل کی آ
 من لئے میں بول سخن دی بے لکھ آکھے مندا

کر کر یاد سخن نُوں روواں

کر کر یاد سخن نُوں روواں مُول آرام نہ ڈھوئی
 ڈھونڈ تھکا جگ دیس تمامی رہیا نظام نہ کوئی
 رُٹھا یار مناوے میرا کون وسیلہ ہوئی
 لا صابون محبت والا داغ غماں دے دھوئی

باغ تماشاے ہسن کھیڈن

جگ تے جیون باہجھ پیارے ہو یا محال آسانوں
 بھل گئی سُدھ بُدھ لگا جاں عشق کمال آسانوں
 باغ تماشاے ہسن کھیڈن خواب خیال آسانوں
 جاون دُکھ محمد جس دن ہووے جمال آسانوں

پھٹ گئی جیبھ قلم دی

کیہ گل آکھ سناواں سبناں درد فراق ستم دی
 آیا حرف لبناں پر جس دم پھٹ گئی جیبھ قلم دی
 چٹا کاغذ داغی ہو یا پھری سیاہی غم دی
 دکھاں کیتا زور محمد لئیں خبر اس دم دی

بند یا خوف خدا دیوں ڈریئے

بند یا خوف خدا دیوں ڈریئے کرئیے مان نہ ماسہ
 جو بن حُسن نہ توڑ نبھا ہو کی اس دا بھرواسہ
 ایہناں مونہاں تے مٹی پوسی خاک نمائی واسہ
 میں مر چکا تیرے بھانے اَبے محمد ہاسہ

ناں میں لائق وصل تیرے دے

ناں میں لائق وصل تیرے دے نہیں فراق جھلیندا

نہ اس راہوں مُڑاں پچھاہاں نہ مُدھ پاس بلایا

دُکھ قضیئے سُن کے میرے ہر اک دا دل سڑ دا

مُدھ نہ لگا سیک محمد میں تن عشق جلایا

میلے پیر پیارا

دُور وطن ہمراہ نہ کوئی پیا قضیہ بھارا

کھولیں قید اُمید تیری تے یا مرشد سُچپارا

بڑی جُدائی سہنی آئی ٹر گیوں وِلدارا

رب رحیم غفور محمد میلے پیر پیارا

آیا یار محمد بخشنا

واہ وا گھڑی مبارک والی ساعت نیک حسابوں
 آوے واسجن دے پاسیوں ہووے کرم جنابوں
 جھب دے مل دا یار پیارا نکلے فال کتابوں
 آیا یار محمد بخشنا چھٹ سی جان حسابوں

سائیں توڑ پچاوے

بھارا بھار پریت لگی دا سائیں توڑ پچاوے
 وا فجر دی باغ ارم دی بو بہار لیاوے
 کچھم دا کر دان کسی دے پتن باغ ساوے
 سوہنا یار محمد بخشنا گھٹ وچہ نظریں آوے

عظیم شعراء کے عظیم کلام

کلام ابرشاه وارتیؒ

کلام اصغرؒ

کلام نیازیؒ

کلام ناصرؒ

کلام اجمل

کلام حاکم

کلام سنجین

کلام مقصود مدنی

کلام صابر

کلام رفیقؒ

کلام میاں محمد بخشؒ

کلام بابا بلھے شاہؒ

کلام اعلیٰ حضرتؒ

کلام صائمؒ

کلام نصیرؒ

کلام حافظؒ

کلام ظہوریؒ

کلام اعظمؒ

کلام سردارؒ

کلام ساجد

چشتی کتب خانہ ارشد مارکیٹ جھنگ بازار فیصل آباد

03007681230 □ 03006674752

مقررین کے لئے کتبِ تقاریر

خطباتِ چشتیہ 3 جلد

سید شبیر حسین شاہ کی تقریریں

مولانا شفیع اوکاڑوی کی تقریریں

عبدالوحید ربانی کی تقریریں

شانِ خطابت

نجمِ الخطیب

سید ہاشمی میاں کی تقریریں

خطباتِ مختار شاہ

خطباتِ ڈوگر

سید فدا حسین شاہ کی تقریریں

اکرم رضوی کی تقریریں

ضیاء اللہ قادری کی تقریریں

قاری محمد دین نعیمی کی تقریریں

مشاق سلطانی کی تقریریں

مولانا سعید مجددی کی تقریریں

مولانا سعید احمد اسد کی تقریریں

خواتین کی محفلِ میلاد

خواتین کی محفلِ نعت

خواتین کے لئے درسِ قرآن

خواتین کے لئے درسِ حدیث

تبلیغی تقریریں

سید فیض الحسن شاہ کی تقریریں

چشتی کتب خانہ ارشد مارکیٹ جھنگ بازار فیصل آباد

03007681230 □ 03006674752

نقیب حضرات کے لئے نقابت کے حسین شہ پارے

حُسنِ نقابتِ اوّل دوم

پنجابی نقابتِ دی ڈائری

اندازِ نقابت

رہبرِ نقابت

نقابت کی ڈائری

نقابت کے رنگ

فیضانِ نقابت

چشتی کتب خانہ فیصل آباد 03007681230

خوشخبری

نائبِ حسان حضرت علامہ صائم چشتی رحمۃ اللہ علیہ
کا آفاقی کلام

گلیاتِ صائم چشتی اردو نعت

گلیاتِ صائم چشتی پنجابی نعت

شائع ہو چکی ہے

آج ہی طلب فرمائیں

چشتی کتب خانہ فیصل آباد 03007681230

عظیم شعرا کا عظیم کلام

کلام بابا ہُوؒ

کلام بُلّھے شاہؒ

کلام خواجہ غلام فریدؒ

کلام صائمؒ

کلام حیرت شاہ وارثیؒ

کلام ابر شاہ وارثیؒ

کلام ظہوریؒ

کلام سردار حسین سردارؒ

کلام ساجد

کلام اجمل

کلام ناصرؒ

کلام حافظؒ

کلام صابر

کلام اعظمؒ

کلام رفیقؒ

کلام نیازیؒ

کلام اصغر علی اصغرؒ

کلام سحیح

چشتی کتب خانہ
ارشد مارکیٹ جھنگ بازار فیصل آباد
0300.7681230 - 0300.6674752